



09955

宋元通鑑卷第一百四十三

明賜進士前憲大夫浙江按察司提學副使兩京史

魏武進薛應旂編集

長洲

陳任錫評閱

元紀十五

起甲子至丁卯凡四年

恭定帝一

恭定元年春正月乙未以乃蠻台為中書平章政事

虞集至除國子司業遷祕書少監 辛丑諸王大臣

請立太子已酉召圖帖睦爾于瓊州阿木哥于大同

二月壬申請上大行皇帝尊謚廟號英宗國語稱

曰格堅皇帝 甲戌江浙行省左丞趙簡請開經筵

通鑑朱百望三

元紀

恭定帝一

一

及擇師傅令太子及諸王大臣子孫受學遂命平章

政事張珪翰林學士承旨忽都魯都兒迷失失學士吳

澄集賢直學士鄧文原王結等為講官以帝範資治

通鑑大學衍義貞觀政要等書進講先是至治末詔

作太廟議者習見同堂異室之制乃作十三室未及

遷奉而國有大故有司疑於昭穆之次命集議之澄

議曰世祖混一天下悉攷之古制而行之古者天子

七廟廟各為宮太祖居中左三廟為昭右三廟為穆

昭穆神主各以次遞遷其廟之宮頗如今之中書六

部夫省部之設亦倣金宋豈以宗廟叙次而不攷古

王結

澄特於辨禮而混於華夏之辨得無言儀以惑乎

乎。有司急於行事，竟如舊次云。國學舊法，每以積

分次第貢，以出官執政。用監丞張起巖議，欲廢之，而以推擇德行爲務。中書左司員外郎許有壬折之曰：「積分雖未盡善，然可得博學能文之士。若曰：惟德行之擇，其名固佳，恐皆厚貌深情，專意外飾，或惜不能識一丁矣。」議久不決。三月丁亥朔，以虞集爲禮部考試官，集言于同列曰：「國家科目之法，諸經傳注各有所主者，將以一道。德同風俗，非欲使學者專門擅業。如近代五經學究之固陋也。聖經深遠，非一人之見可盡。試藝之文，惟其高者取之，不必先有主意。若

通鑑卷二百四十三

元紀

恭定帝

二

先定主意，則求賢之心狹，而差自此始矣。後再爲考官，率持是說，故所取每稱得人。戊戌廷試進士八十四人，賜及第出身有差。丙午立八不罕氏爲皇

后子阿速吉八爲皇太子。夏四月甲子，帝如上都。

以講官多高年，命虞集與侍讀學士王結執經以從。庚辰，帝以烈風地震，戒飭百官，并詔大都守臣集

議以聞。張珪乃與樞密院御史臺翰林集賢兩院官極論當世得失，與左右司員外郎宋文瓚請上都奏之。其畧曰：國之安危在乎論相。昔唐玄宗前用姚崇

宋璟，則治。後用李林甫、楊國忠，則亂。蓋林甫、國忠妬

害忠良。布置邪黨。奸惑蒙蔽。保祿養禍。幾致亡國。雖

賴郭子儀諸人竭力克復。自是藩鎮縱橫。而紀綱亦不復振矣。如前宰相鐵木迭兒。奸狡險深。陰謀叢出。專政十年。誅竄善類。始以賊敗。諂附權姦。苟全其才。未幾仁宗晏駕。乃乘時幸變。再入中書。當英廟之初。與失列門等恩義相許。表裏爲姦。誣殺蕭楊等。以快私怨。蔽上抑下。威福已出。由是羣邪並進。如逆賊鐵失之徒。名爲義子。實其腹心。構成弑逆。其子鎖南親與逆謀。雖剖棺戮尸。夷滅其家。猶不足以塞責。今復給還所籍家產。諸子尚在京師。夤緣再入宿衛。宜仍

通鑑卷一百三

元紀

卷之四十一

三

亂

籍其家產。竄其子孫。以明不共戴天之義。諸王按梯不花。孛羅月魯鐵木兒。曲呂不花等。與鐵失逆謀。其罪止於流竄。宜誅之以謝天下。遼王脫脫位冠宗室。居鎮遼東。因家有變。報復讐忿。殺親王妃主百餘人。分其羊馬畜產。殘忍骨肉。盜竊主權。聞者切齒。今不之罪。乃復厚賜放還。仍守爵土。臣恐國之紀綱從此不振。况令死者含冤。感傷和氣。宜奪削其爵土。置之他所以彰天威。武備卿即烈前太尉不花。以累朝待遇之隆。俱致高列。不思補報。專務奸欺。矯制令鷹師。強收鄭國寶。妻古哈。刑曹逮鞫服實。竟原其罪。夫匹

縱

婦銜冤。三年不雨。以此論之。即非細務。宜以即烈。不  
花仍付刑曹。鞠正其罪。賈胡中賣寶石。分珠寸石。價  
直數萬。夫以經國有用之寶。而易此不濟饑寒之物。  
是皆時貴與中貴之人。妄稱呈獻。冒給回賜。高其價  
直。且至十倍。彼此通同。暗行分用。宜行禁止。自古聖  
君惟誠於治政。可以動天地。感鬼神。初未嘗徼福於  
僧道也。至元三十年。醮祠佛事之日。止百有二。大德  
七年。再立功德使司。積五百有餘。今年一增其目。明  
年即指爲例。已倍四之三矣。比年佛事愈繁。享國不  
永。致災愈速。事無應驗。斷可知矣。宜罷功德使司。及

通鑑卷一百四十三

元紀 泰定帝

四

累朝忌日醮祠佛事名目。止令宣政院主領修舉。餘  
悉減罷。游惰之徒。妄投宿衛部屬及宦者女紅太監  
陰陽之屬。不可勝數。一人收籍。一門蠲復。一歲所請  
衣馬芻糧。數十戶所徵入。不足以給之。耗國損民。爲  
甚。宜如世祖時支請之數。給之餘。悉減汰。自鐵木迭  
兒專恣。鐵失構逆。良善死於非命。皆未申理。宜加褒  
贈。優叙其子孫。天下繫囚冤滯。宜命省臺選官審錄。  
結正。邊鎮利病。宜命行省行臺體究。興除。廣海鎮戍。  
更病者。宜給粥食藥。力死者。給鈔。責所司。及同鄉者。  
歸骨於其家。廣東採珠勞擾。宜悉停罷。至元三十年

以後冗員宜悉減併。不該常調之人不得濫入常選。凡官養馬駝宜如大德團槽之制。所賜勲戚及宦者之田悉拘還官。其僧道典買民田及民間所施產業。宜悉役之。左右之臣非有功勲勞效著明實跡不加賞賜。請皆著爲令。凡數千言詞甚切。至帝皆不從。

五月丁亥監察御史董鵬等上言平章乃蠻台宣徽院使帖木兒不花詹事禿滿答兒黨附逆徒。身虧臣節。太常守廟不謹。遼王擅殺宗親。不花即里矯制亂法。皆蒙寬宥。甚爲失刑。乞定其罪以銷天變。不允。

己丑帝諭倒刺沙曰朕即位以來無一人能執成

通鑑卷一百四十三

元紀 泰定帝一

五

法爲朕言者知而不言則不忠且陷人於罪繼自今凡有所知宜悉以聞使朕明知法度斷不敢自縱非獨朕身天下一切政務能守法以行則衆皆又安反是則天下罹其憂苦又曰凡事防之於小則易救之於大則難爾其以朕言明告于衆俾知所慎。壬辰御史臺臣禿忽魯紐澤以御史言災異屢見宰相宜避位以應天變可否仰自聖裁顧惟臣等爲陛下耳目有徇私違法者不能糾察慢官失守宜先退避以授賢能帝曰御史所言其失在朕卿等何必遽爾禿忽魯又言臣已老病恐誤大事乞先退於是中書省

臣元伯都刺張珪楊廷玉皆抗疏乞罷丞相旭邁傑  
 倒刺沙言比者灾異陛下以憂天下為心反躬自責  
 謹遵祖宗聖訓脩德慎行救臣等為左右相才下識  
 昏當國大任無所贊襄以致灾祲罪在臣等所當退  
 黜諸臣何罪帝曰卿若皆辭避而去國家大事朕孰  
 與圖之宜各相諭以勉乃職 六月庚申張珪自大  
 都至以守臣集議事言逆黨未討奸惡未除忠憤未  
 雪冤枉未理政令不信賞罰不公賦役不均財用不  
 節請裁擇之不允 秋七月丁未中書省臣言東宮  
 衛士先朝止三千人今增一萬七千請命詹事院汰  
 通鑑卷一百四十三 元紀 泰定帝一 六

去仍依舊制從之

八月丁丑帝還大都 九月乙

巳昭憲皇后忌日飯僧萬萬人 冬十月庚申命左

右相日直禁中有事則赴中書 丙寅太白入斗

丁丑封周王和世珠第圖帖睦爾為懷王徙雲南王

王禪為梁王 甲辰作歇山鹿頂樓于上都 十一

月庚申同州地震有聲如雷 癸亥鹽官州海水溢

屢壞隄障侵城郭遣使祀海神疊石為塘 丙寅詔

翰林國史院修英宗顯宗實錄命吳澄總其事是歲

各路水旱蝗

二年春正月丙戌禁后妃諸王駙馬毋通星術之士

非同天官不得妄言禍福 中書省臣言江南民貧

僧富諸寺觀田土非頒賜者仍與民均役 辛亥命

懷王圖帖睦爾出居建康 庚戌詔諭宰臣曰向者

卓兒罕察苦魯及山後皆地震內郡大小民饑朕自

即位以來惟太祖開創之艱世祖混一之盛期與人

民共享安樂常懷祗懼災沴之至莫測其由豈朕思

慮有所不及而事或僭差天故以此示儆卿等其與

諸司集議便民之事其思自死罪始議定以聞朕將

肆赦以詔天下 閏月壬子朔詔赦天下 壬申罷

永興銀場聽民採鍊以十分之二輸官 罷松江都

通鑑卷二百四十三 元紀 泰定帝

七

水庸田使司命州縣正官領之仍加兼知渠堰事

己卯山東廉訪使許思敬請頒族葬制禁用陰陽相

地邪說 二月甲申祭先農 丙戌頒道經于天下

名山宮觀 庚子姚燁以河水屢決請立行都水監

于汴梁倣古法備捍仍命瀕河州縣正官皆兼知河

防事從之 三月乙丑帝如上都 夏五月丙子旭

邁傑等以國用不足請減廐馬汰衛士及節諸王濫

賜從之 六月丙申中書叅政左塔不花言大臣兼

領軍務前古所無鐵失以御史大夫也先帖木兒以

知樞密院事皆領衛兵如虎而翼故成逆謀乞今軍

姚燁

左塔不花



衛之職勿以大臣領之庶勳舊之家得以保全從之

仍賜幣帛以旌其直 丁酉息州民趙丑斫郭菩薩

妖言彌勒佛當有天下有司以聞命御史臺及河南

行省官雜鞫之 秋七月甲寅紐澤許思敬編類帝

訓成請於經筵進講仍俾皇太子觀覽命譯其書以

進 八月癸巳歲星犯天罇 九月戊申朔分天下

爲十八道遣使宣撫詔曰朕祇承洪業夙夜惟寅凡

所以圖治者悉遵祖宗成憲曩屢詔中外百司宣布

德澤蠲賦詳刑賑恤貧民思與黎元共享有生之樂

尚慮有司未體朕意庶政或闕惠澤未洽承宣者失

通鑑卷二百四十三

元紀 泰定帝一

八

於撫綏司憲者怠於糾察俾吾民重困朕甚憫焉今

遣奉使宣撫分行諸道按問官吏不法詢民疾苦審

理冤滯凡可以興利除害從宜舉行有罪者四品以

上停職申請五品以下就便處決其有政績尤異暨

晦跡丘園才堪輔治者具以各聞 癸丑帝還大都

丁丑禮部員外郎元永貞言鐵失弒逆皆由鐵木

迭兒始禍請明其罪仍錄付史館以爲人臣之戒

冬十月癸未以倒刺沙爲御史大夫翰林學士吳澄

致仕先是澄廟議不行已有去志會修英宗實錄命

總其事居數月實錄成未上即移疾不出中書左丞

許師敬奉吉賜宴國史院仍致朝延勉留之竟宴歸

即出城登舟去中書聞之遣官驛追不及而還言於  
帝曰吳澄國之名儒朝之舊德今請老而歸不忍重  
勞之宜有所褒異詔加資善大夫仍以金織文綺二  
及鈔五千貫賜之 乙未皇后亦憐真八刺受佛戒  
于帝師 戊申周王和世疎遣使以豹來獻 丙辰  
郭菩薩等伏誅杖流其黨 丙寅剉刺沙復為中書  
左丞相 十二月戊寅以塔失鐵木兒為中書右丞  
相 乙酉帝復受佛戒于帝師 丁酉右丞趙簡請

行區田法於內地以宋董煟所編救荒活民書頒州

通鑑卷一百四十三 元紀 泰定帝一

九

縣

三年春正月壬子徵前翰林學士吳澄不起 置都

水庸田司於松江掌江南河渠水利 封諸王寬徹

不花為威順王鎮湖廣買奴為宣靖王鎮益都 二

月庚子以察乃為中書平章政事 甲辰帝如上都

三月乙巳朔帝以不雨自責命審決重囚遣使分

祀五嶽四瀆各山川及京城寺觀 丙寅翰林承旨

阿憐帖木兒許思敬譯帝訓成更名曰皇圖大訓

畿內河北山東諸路饑初張珪歸省保定帝思見之

召還問曰卿來時民間如何珪曰臣老矣少賓客不

永利官

然

能遠知保定真定河間臣鄉里也民饑甚朝廷雖賑以金帛惠未及者十五六帝惻然命賑糧四月至是復令免三路及濟南等郡縣民租之半夏四月丙戌鎮安路總管岑脩廣爲弟修仁所攻來告命湖廣行省辨治之戊戌大白犯鬼壬寅熒惑犯壘壁陣米洞蠻田先什用等結十二洞蠻寇長陽縣湖廣行省遣九姓長官彭忽都不花招之田先什用等五洞降餘發兵討之修夏津武河堤三十三所役丁夫七千五百人以虞集爲翰林直學士兼國子祭酒集嘗因講罷論京師恃東南海運實竭民力以

通鑑卷一百四十三

元紀

秦定帝一

十

原東水利

航不測非所以寬遠人而因地利也與同列進曰京師之東瀕海數千里北極遼海南濱青齊萑葦之場也海潮日至淤爲沃壤用浙人之法築堤捍水爲田聽富民欲得官者合其衆分授以地官定其畔以爲限能以萬夫耕者授以萬夫之田爲萬夫之長千夫百夫亦如之察其惰者而易之一年勿征也二年勿征也三年視其成以地之高下定額於朝廷以次漸征之五年有積蓄命以官就所儲給以祿十年佩之符印得以傳子孫如軍官之法則東方民兵數萬可以近衛京師外禦島夷遠寬東南海運以紓疲民遂

富民得官之志。而獲其用。江海游食盜賊之類。皆有  
所歸。議定于中說者。以為一有此制。則執事者必以  
賄成。而不可為矣。事遂寢。其後海口萬戶之設。大畧  
宗之。徵逸士瞻思。至見帝于龍虎臺。帝厚遇之時。  
倒刺沙柄國。屢使人招致之。即以養親辭歸。五月

甲戌。禁西僧馳驛擾民。先是西臺御史李昌言嘗經  
平涼府。靜會定西等州。見西番僧佩金字圓符絡繹  
道途。馳騎累百。傳舍至不能容。假館民舍。因迫逐男  
子。奸汚婦女。奉元一路。自正月。至七月。往返者百八  
十五次。用馬至八百四十餘匹。較之諸王行省之使

通鑑卷百四十三

元紀 英宗一

十一

十多六七驛戶。無所控訴。臺察莫得誰何。且國家之  
製圓符本為邊防警報之虞。僧人何事而輒佩之。乞  
更正。僧人給驛法。且令得以糾察。不報。至是聞其擾  
民禁之。六月戊戌。中書省臣言。比郡縣旱蝗。由臣

等不能調燮。故災異降戒。今當恐懼修省。力行善政。  
亦冀陛下敬慎修德。憫恤生民。帝嘉納之。秋七月

甲辰。帝還大都。河決陽武。漂民居萬六千五百餘  
家。尋復壞汴梁樂利隄。發丁夫六萬四千人築之。

八月甲戌。元伯都刺許師敬。並以災變饑歉。乞解政  
兩不允。九月戊辰。中書省臣言。今國用不繼。陛下

當法世祖之勤儉以為永圖臣等在職苟有濫承恩賞者必當回奏帝嘉納之冬十月壬午賜大天源延聖寺田中書省臣言養給軍民必藉地利世祖建大宣文弘教等寺賜永業當時已號虛費而成宗復構天壽萬寧寺較之世祖用增倍半若武宗之崇恩福元仁宗之承華普慶租權所入益又甚焉英宗鑿山開寺損兵傷農而卒無益夫土地祖宗所有子孫當共惜之臣恐茲復籍為口實妄興工役徼福利以逞私欲惟陛下察之帝嘉納焉然不能用也 十一月祭卯中書省臣言西僧每假元辰疏釋重囚有乖

通鑑卷一百四十一

元紀 秦定帝一

十一

政典請罷之上命自今當釋者救宗正府審覆 十

宋本

二月庚寅赦天下時倒刺沙當國與平章兀伯都刺以私意欲因赦酬累朝賈胡所獻諸物之直及擢用英廟至今為憲臺奪官者左司都事宋本言今天儆災異而畏獻物未酬直者憤怒形諸王言必貽笑天下憲司禡有罪者官世祖成法也今上即位累詔法世祖若擢用之是廢成憲而反汗前詔也復有邪佞賊穢者將治之邪置不問邪眾聞本言相視嘆息既而詔赦本遂稱疾不出 四年春正月乙巳御史臺

臣請親祀郊廟先是監察御史趙思魯以大禮未舉

言天子親祀郊廟所以通精誠逆福釐生蒸民阜萬物百王不易之禮也宜講求故事對越以格純嘏至是御史臺臣復以爲言帝曰朕遵世祖舊制其命大臣攝之 庚申皇子允丹藏卜受佛戒于智泉寺

二月戊子進襲封衍聖公孔思晦階嘉議大夫 三月

月辛丑皇子允丹藏卜出鎮北邊 丙午廷試進士

壬戌帝如上都 夏四月辛未盜入太廟竊武宗

金主及祭器以典守宗廟不嚴罷太常禮儀院官太

常博士李好文言在禮神主當以木爲之金玉祭器

宜貯別室又言祖宗建國以來七八十年每遇大禮

通鑑卷一百三十一 元紀 泰定帝一

十三

皆臨時取具博士不過循故事應答而已往年有詔

爲集禮而乃令各省及各郡縣置局纂修宜其久不

成也禮樂自朝廷出郡縣何有哉白長院者選僚屬

數人仍請出架閣文牘以資採錄三年書成凡五十

卷名曰太常集禮 壬申作武宗主 癸巳高州徭

寇電白縣千戶張恒力戰死之邑人立祠敕賜額曰

旌義 五月洛陽縣蝗羣烏食之旣數日再集羣烏

又食之 六月辛未命翰林院譯資治通鑑以進

秋七月己亥建橫渠書院於郟縣祀宋儒張載 旱

皇民饑 八月癸酉奉元路治中單鵠言令民採捕

珍禽異獸不便請罷之救應獵者其捕以進 是月

滹沱河水溢通漕縣山崩礪門地震有聲如雷晝晦

天全道山崩飛石斃人鳳翔興元成都峽州江陵地

同日皆震 九月丙申朔日食 敕國子監仍舊制

歲貢生員業成者六人 禁僧道買民田違者坐罪

沒其直 甲子御史言廣海古流放之地請以職官

贓汙者處之以示懲戒 閏月己巳太白經天帝還

大都壬申以災變救天下 甲戌命祀天地享太廟

致祭五嶽四瀆各山大川 冬十月己亥御史德住

請擇東宮官 乙巳晝有流星 丁巳以趙世延為

通鑑卷一百四十一 元紀 泰定帝一 十四

中書右丞以傳巖起為吏部尚書御史韓鏞言尚書

三品巖由吏累官四品於法不得陞制可之 十一

月癸酉太白犯壘壁陳乙亥熒惑犯天江陽曲縣地

震 十二月乙卯張珪卒珪字公端弘範之子嘗進

吳澄以備顧問此其官業之大者云

宋元通鑑卷第一百四十四

明賜進士中憲大夫浙江按察司提學副使兩京吏禮郎中武進薛應旂編

長洲 陳仁錫評閱

元紀十六 戊辰一年

恭定帝二

致和元年 九月文宗圖帖睦爾天曆元年 春正月甲戌繪蠶麥圖

乙亥詔諭百司凡不赴任及擅離職者奪其官避差

遣者笞之 御史鄒惟亨言時享太廟三獻官舊皆

勲戚大臣而近以戶部尚書為亞獻人既疎遠禮難

嚴肅請仍舊制以省臺樞密宿衛重臣為之 丁丑

通鑑卷一百四十四 元紀 恭定帝二

頒農桑舊制十四條于天下仍詔勵有司以察勤惰

二月庚申詔天下改元致和免流民復業差稅三

年疑獄被繫三歲不決者咸釋之 三月庚午雲南

安隆寨土官岑世忠與其兄世興相攻籍其民三萬

二千戶來附歲輸布三千疋請立宣撫司以總之不

允置州一以世興知州事置縣二聽世忠舉人用之

仍諭其兄弟共處 倒刺沙言災異未弭由官吏以

罪黜罷者怨誹所致請量才叙川從之 乙卯帝御

興聖殿受無量壽佛戒于帝師 甲申遣戶部尚書

李家奴往鹽官祀海神仍集議脩海岸命造浮屠二

李家奴 姑 臆



百一十六以厭海溢 戊子帝如上都命僉書樞密

院事燕帖木兒留守大都 徙懷王圖帖睦爾于江

陵 己丑以趙世延知經筵事趙簡阿魯威同知經

筵事曹元用吳秉道虞集段輔馬祖常並兼經筵官

夏四月己亥塔失鐵木兒倒刺沙諸凡蒙古色目

人效漢法居親丁憂者除其名從之 壬寅李家奴

以作石圍捍海議聞 甲寅封唐柳州刺史柳宗元

為文惠昭靈公 五月丙寅唐西普寧縣僧陳慶安

作亂建國改元 戊子以塔失鐵木兒為平章政事

六月彰德大雨雹南寧開元永平諸路水江陵路

旱河南安德屯蠖食桑 秋七月辛酉朔寧夏地震

庚午帝崩于上都年三十六葬起輦谷稱為泰定

帝倒刺沙專權自用踰月不立君朝野疑懼 王禕

曰武宗以兄弟相及約繼世子孫迭居大位而仁宗

惑於儉言不守宿諾傳位英宗仍使武宗二子明宗

文宗出居於外及英宗遇弒而明宗在北文宗在南

晉邸乘間入繼大統或謂晉邸非所宜立雖然晉王

於世祖孫也於次為長雖守藩服嘗有盟書今而國

統之弗繼則求所當立者舍晉王之系將誰屬邪然

則謂晉邸非所宜立者亦過也舊傳英宗之弒晉邸

欽

倒刺沙不  
終

通鑑卷一百四十四

元紀

泰定帝二

二

與聞乎。故其歿不舉請謚升祔之典。明其爲賊也。然考之實錄。皆不得其實。傳聞之謬。豈可信哉。時僉

樞密院事燕帖木兒留守京師。以帝由晉邸入。繼與

諸王滿禿等恒懷異圖。且以身受武宗寵拔之恩。欲

迎其二子周王置阿古八于何地和世球及懷王圖帖睦爾立之。借世一疎爲各木義迎立復八

月甲午黎明。百官集典聖宮。燕帖木兒率阿剌鐵木

兒孛倫赤等十七人。兵皆刃號於衆曰。武宗皇帝有

子二人。天下正統當歸之。敢有不順者死。乃手縛平

章政事兀伯都剌伯顏察兒。分命勇士執中書左丞

朶朶叅政王士熙。叅議脫脫吳秉道。侍御史鐵木哥

通鑑卷一百四十四 元紀 泰定帝二 三

丘世傑。太子詹事丞王桓等。皆下獄。燕帖木兒與西

安王阿剌忒納失里共守內庭。推前湖廣行省左丞

相別不花爲中書左丞相。詹事塔失海牙爲中書平

章。速速爲左丞。王不憐吉台爲樞副使。與中書右丞

趙世延等分典庶務。調兵守禦。關要徵諸衛兵屯京

師下郡縣。造兵器出府庫。犒軍士。燕帖木兒直宿禁

中。達旦不寐。一夕再徙人。莫知其處。是時周王和世

球方遠在沙漠。猝未能至。慮生他變。乃遣前河南叅

政明里董阿迎懷王圖帖睦爾于江陵。密以意諭河

不多殺無以恣擅立

兒矯為南使言懷王已次近郊使民毋驚疑 己亥

明里董阿至汴梁與伯顏合謀執行省臣皆下之獄

又收肅政廉訪司萬戶府及郡縣印 癸卯伯顏殺

其寮平章曲烈及右丞別鐵木兒是日明里董阿等

至江陵甲辰懷王發江陵遣使召鎮南威順高昌諸

王來會執湖廣行省左丞馬合謀送京師以別薛代

之河南行省出府庫金銀鈔錠分給官吏將士又命

有司造乘輿供張儀仗等物平章伯顏勒兵以俟叅

政脫孛臺獨曰今蒙古軍與宿衛之士俱在上都而

令探馬赤軍守諸隘吾恐此事之不可成也是夜脫

通鑑卷三百四 元紀 泰定帝二

四

孛臺將手刃殺伯顏伯顏覺遂拔劍殺脫孛臺而奪

其所部軍器馬疋 丁未燕帖木兒遣其弟撒敦守

居庸關唐其勢屯古北口 戊申燕帖木兒又令乃馬

台矯為使者北來言周王亦整兵南至矣懷王命伯

顏為河南行省左丞相遣孛羅等將兵守潼關 己

酉諸滿禿阿馬刺台宗正扎魯忽赤闕闕出平章買

闕集賢學士兀魯思不花太常禮儀院使哈海赤等

十八人同謀附燕帖木兒事覺倒刺沙殺之 庚戌

懷王至汴梁伯顏等扈從北行以前翰林學士阿不

海牙為河南行省平章政事辛亥以燕帖木兒知樞

密院事

壬子脫脫木兒帥其軍自上都來歸即命

守古北口○癸丑上都諸王及用事臣以兵分道攻大

都留丞相倒刺沙居守乙卯脫脫木兒及上都諸王

失刺平章乃馬台詹事欽察戰于宜興斬欽察于陣

禽乃馬台送京師戮之失刺敗走 丙辰燕帖木兒

奉法駕郊迎丁巳懷王入京師居大內 戊午以明

里董阿闊闊台速速並為中書平章政事曹立為右

丞伯顏為御史大夫趙世延為御史中丞高昌王鐵

木兒補化知樞密院事 己未上都梁王王禪右丞

相塔失鐵木兒太尉不花平章政事買閭御史大夫

通鑑卷一百四十五

元紀

泰定帝二

五

紐澤等兵次榆林隆鎮衛指揮黑漢謀附上都坐棄

市籍其家 九月庚申朔燕鐵木兒督師居庸關遣

撒敦以兵襲上都兵于榆林擊敗之追至懷來而還

隆鎮衛指揮幹都蠻以兵襲上都請王滅里鐵木兒

脫木赤于陀羅臺執之歸于京師時倒刺沙在上都

立泰定皇帝子阿速吉八為帝年方九歲改元天順

壬戌大都遣使祭五嶽四瀆命○中書省綱維百司總

昔在世祖以及列聖臨御咸命○中書省綱維百司總

裁庶政凡錢穀銓選刑罰興造罔不司之自今除樞

密院御史臺其餘諸司及左右近侍敢有隔越中書

奏請政務者以違制論監察御史其糾言之賜上都  
將士來歸者鈔各有差 召燕帖木兒赴闕 上都

諸王也先帖木兒等自遼東以兵入遷民鎮 丁卯

燕帖木兒率諸王大臣請早正大位以安天下懷王  
以兄周王和世球在漠北欲虛位俟之燕帖木兒曰

人心向背之機間不容髮一或失之噬臍無及懷王  
曰必不得已當明吾志播告中外 戊辰大都募勇

士從軍遣使分行河間保定真定及河南等路括民  
馬徵鄆陵縣河西軍赴闕命襄陽鄧州萬戶以兵守

武關命海道萬戶來年運米三百一十萬石造金符  
通鑑卷一百四十四 元紀 泰定帝一

六

八十 己巳鑄御寶成立行樞密院于汴梁以也速  
合知院事行視太行諸關以招疊斡分給守關軍士

上都諸王忽剌台等引兵入崞州 庚午大都命  
有司和市粟豆十六萬五千石分給居庸等關軍馬

遣軍民守歸峽諸隘 辛未懷王常服謁太廟殺兀  
伯都刺流朶朶王士熙伯顏朶兒脫歡等于遠州並

籍其家 壬申懷王即位于大都受諸王百官朝賀  
詔曰洪惟我太祖皇帝混一海宇爰立定制以一統

緒宗親各受分地勿敢妄生覬覦此不易之成規萬

兀伯都刺  
等

天下之心皆也世祖之後成宗武宗仁宗英宗以公

天下之心以次相傳宗王貴戚咸遵祖訓至於晉邸  
具有盟書願守藩服而與賊臣鐵失也先帖木兒等  
潛通陰謀冒于寶位使英宗不幸罹於大故朕兄弟  
播越南北備歷艱險臨御之事豈獲與聞朕以叔父  
之故順承惟謹于今六年災異迭見權臣倒刺沙兀  
伯都刺等專權自用踈遠勲舊廢棄忠良變亂祖宗  
法度空府庫以私其黨類大行上賓利於立幼顯握  
國柄用成其奸宗正大臣以宗社之重統緒之正協  
謀推戴屬於眇躬朕以非德宜俟大兄固讓再三宗  
戚將相百僚耆老以為神器不可以久虛天下不可

通鑑卷一百四

元紀

泰定帝二

七

以無主周王遜隔朔漠民庶違違已及三月誠懇迫  
切朕姑從其請謹俟大兄之至以遂朕固讓之心已  
於致和元年九月十三日即皇帝位於大明殿其以  
致和元年為天曆元年 大赦天下自九月十三日  
昧爽以前除謀殺祖父母父母妻妾殺夫奴婢殺主  
謀故殺人但犯強盜印造偽鈔不赦外其餘罪無輕  
重咸赦除之於戲朕豈有意於天下哉重念祖宗開  
創之艱恐墮大業是以勉徇輿情尚賴爾中外文武  
臣僚協心相予輯寧億兆以成治功咨爾多方體予

至意

癸酉封燕帖木兒為太平王以太平路為食

邑 乙亥上都王禪兵襲破居庸關將士皆潰燕帖

木兒軍次三河 丙子王禪游兵至大口燕帖木兒

還軍次榆河帝出齊化門視師 丁丑燕帖木兒來

見曰乘輿一出民心必驚軍旅之事臣請以身任之

即日還宮命司天監熒星是夕紅光燭天我 大明

太祖高皇帝誕生于濠梁之鍾離鄉 戊寅燕帖木

兒與王禪前軍戰于榆河敗之追奔紅橋北其樞密

副使阿敷帖木兒指揮使忽都帖木兒以兵會王禪

復來戰又敗之大都師據紅橋 庚辰詔諭御史臺

今後監察御史廉訪司凡有刺舉並著其實無則勿

通鑑卷一百四十五

元紀 泰定帝二

八

妄以言 加封漢將軍關羽為顯靈義勇武安英濟

王遣使祀其廟 辛巳燕帖木兒與上都軍大戰于

白浮之野燕帖木兒手刃七人于陣敗之 壬午大

霧王禪等遁崑山州獲上都頒詔使者及遼東徵兵

使者以聞詔殺之王禪收集散亡復來戰燕帖木兒

列陣白浮之西敵不敢犯至夜撒敦脫水兒前後

夾攻敗走之追及于昌平北斬首數千級降者萬餘

人帝遣使賜燕帖木兒諭旨曰丞相每臨陣躬冒矢

石脫有不虞柰何自今第以大將旗鼓督戰可也燕

帖木兒對曰凡戰臣必以身先之敗後者論以軍法

大聖人出

若委之諸將萬一失利悔將何及 甲申慶雲見

乙酉上都兵入古北口將士皆潰其知樞密院竹溫  
台以兵掠石槽燕帖木兒先遣撒敦倍道趣石槽掩  
其不備擊之自將大軍繼其後轉戰四十餘里至牛  
頭山擒駙馬孛羅帖木兒平章蒙古塔失帖木兒等  
送闕下殺之將投降者萬人餘兵奔竄夜遣撒敦出  
古北口逐之脫脫木兒與遼東戰薊州南殺獲無筭  
召募丁壯乘城守禦 戊子上都諸王忽剌台等兵

慈刺戶

入紫荊關將士皆潰陝西行臺御史大夫也先帖木兒  
通鑑卷二百四十四 元紀 泰定帝一 九

起兵從大慶關渡河擒河中府官殺之萬戶徹里帖  
木兒軍潰而遁河南廉訪副使萬家閭言徹里帖木  
兒身爲大將紀律不嚴望風奔潰宜加重罰以示勸  
懲不報河東聞也先帖木兒軍至官吏皆棄城走也  
先帖木兒悉以其黨代之 冬十月己丑朔燕帖木  
兒引兵至通州擊遼東軍敗之遣脫脫木將兵四千  
西援紫荊關 癸巳上都諸王忽剌台游兵進逼南  
城燕帖木兒及湯翟王太平國王朶羅台等戰于檀  
子山之棗林殺太平死者蔽野餘皆宵遁 乙未燕  
帖木兒等帥軍循北山而西趣良鄉時諸將與忽剌



台阿刺帖木兒等戰于盧溝橋聲言燕帖木兒大軍至敵兵皆遁使者頒即位詔于甘肅至陝西行省臺臣塗毀詔書械使者送上都 丙申中書省臣言上都諸王大臣不思祖宗成憲惑於倒刺沙之言輒以兵犯京畿賴陛下洪福王禪遂致潰亡生擒諸王孛羅帖木兒及諸用事臣蒙古答失等既已明正典刑宜傳首四方以示衆從之 戊戌諸將追阿刺帖木兒等至紫荆關獲之送京師皆棄市 己亥禿滿迭兒軍復入古北口燕帖木兒引兵禦之大戰于檀州南敗之禿滿迭兒走還遼東 辛丑齊王月魯帖木通鑑卷一百四十四 元紀 泰定帝二 十

兒蒙古元帥不花等以兵圍上都倒刺沙等奉皇帝寶出降梁王王禪遁遼王脫脫爲齊王月魯帖木兒所殺遂收上都諸王符印阿刺吉八不知所終

丘濬曰泰定帝乃裕宗之嫡孫甘麻刺之長子於屬爲宗子非不當立也英宗爲鐵失所弑諸王迎立之初不與其謀武宗二子次雖當二然既爲英宗所據則非其所有矣泰定初立之年即立阿速吉八爲太子至是五年各分已定圖帖睦爾遣兵攻之以致于死地史不明言其所以致死之由然所以致之死地者圖帖睦爾也律以春秋書趙盾

之法。非弑而何。

丙午中書省臣言凡有罪者。既籍其家貲。又沒其妻子。非古者罪人不孥之意。今後請勿没人妻子。制可。

丁未陝西兵至鞏縣黑石渡。遂據虎牢。大都師皆潰。儲仗悉爲所獲。河南行省來告急。戒有司修城壁。嚴守備。已酉陝西軍入武關。萬戶楊克忠等兵潰。

庚戌帝御興聖殿。諸王大臣奉上皇帝寶。倒刺

沙等從至京師。下之獄。分遣使者檄行省內郡罷兵。以安百姓。癸丑御史臺臣言。近者北邊奪紫荆關。

官軍潰走。掠保定之民。本路官與故平章張瑄子景

通鑑卷一百四十四

元紀 泰定帝二

十一

武五人率其民擊官軍死也。先捏不俟奏聞。輒擅殺官吏及瑄五子。瑄父祖三世爲國勲臣。設使瑄子有罪。瑄之妻女又何罪焉。今旣籍其家矣。又以其女歸也。先捏誠非國家待遇勲臣之意。帝曰。卿等言是命。

中書革正之。甲寅元帥也速答兒執湘寧王八刺失里送京師。初八刺失里及趙王馬扎罕諸王忽刺台承上都之命各起所部兵南侵冀寧。還次馬邑。至是被執其所俘男女千人。悉還其家。丁巳毀顯宗

室升順宗。祔右穆第二室。成宗祔右穆第三室。武宗

祔左昭第三室。仁宗祔左昭第四室。英宗祔右穆第

四室 戊午盜殺太尉不花初不花乘國家多事率

衆剽掠居庸以北皆為所擾至是盜入其家殺之有

司論盜罪死刑部議以為不花不道衆所聞知幸遇

盜殺而有司隱其殘剽之罪獨以盜聞於法不當中

書以聞帝嘉其議 十一月辛酉也先捏兵至武安

也先鐵木兒以軍降河東州縣聞之盡殺其所署官

吏 甲子陝西兵進逼汴梁聞朝廷傳檄罷兵乃解

去 庚午監察御史張士弘等言朝廷政務賞罰為

先功罪既明天下斯定國家近年自鐵木迭兒竊位

擅權假刑賞以遂其私綱紀始紊迨至泰定爵賞益

通鑑卷一百四十四

元紀

泰定帝

十一

濫比以兵興用人甚急然而賞罰不可不嚴夫功之

高下過之輕重皆係天下之公論願命有司務合公

論明示黜陟功罪既明賞罰攸當則朝廷肅清紀綱

振舉而天下治矣帝嘉納之 辛未鐵木哥兵入襄

陽官吏皆遁走知縣谷廷珪主簿張德死之 甲戌

遷泰定后雍吉刺氏于安東州 丁丑荆王也速也

不十遣使傳檄至襄陽鐵木哥引兵走 庚辰遣使

奉迎周王和世球于漠北 癸未倒刺沙伏誅磔其

尸于市王禪亦賜死馬某沙紐澤撒的迷失也先鐵

木兒等皆棄市 丙戌四川行省平章囊加台自稱

鎮西王殺其省平章寬徹等稱兵燒絕棧道 十二  
月甲寅復遣治書侍御史撒迪等奉迎周王于漠北  
諸王皆勸周王南還京師周王遂發北邊諸王察  
阿台元帥朶剌捏等咸帥師扈行舊臣孛羅尚家奴  
哈八兒禿皆從至金山嶺北命孛羅如京師 戊午  
詔蒙古色目人願丁父母憂者聽如舊制 加謚唐  
司徒顏真卿正烈文忠公令有司歲時致祭

通鑑卷二百四十四

元紀

恭定帝二

十三

宋元通鑑卷第一百四十五

明賜進士前中憲大夫浙江按察司提學副使兩京吏禮郎中武進薛應旂編集

長洲 陳仁錫評閱

元紀十七 己巳一年

明宗一

天曆二年春正月己未朔立都督府以總左右欽察及龍翊衛 庚申遣前翰林學士承旨不答失里北

還周王行在所仍命太府太監沙剌班奉金幣以往 辛酉徹徹禿遣使來言周王啓行之期 癸亥燕

帖木兒爲御史大夫太平王如故 乙丑復遣中書

通鑑卷百四十五

元紀 明宗一

一

左丞躍里帖木兒迎周王 己巳中書省臣言近籍

沒欽察家其子年十六請命與其母同居仍請繼今臣寮有罪致籍沒者其妻有子他人不得陳乞亦不得沒爲官口從之 壬午周王所遣字羅至京師賞

以金幣居宅仍遣內侍禿教化如周王行在所 乙酉撒廸等見周王於行幄致命辭勸進 贈緱山處

士杜瑛爲翰林院學士謚文獻瑛字文玉其先霸州信安人金將亡士猶以文辭規進取瑛獨避地河南緱氏山中搜訪諸書盡讀之歲己未世祖南伐至相州召見問計瑛從容對曰漢唐以還人君所恃以爲

國者法與兵食三事而已。國無法不立，人無食不生。亂無兵不守，今宋皆蔑之。殆將亡矣。興之在，主上若控襄樊之師，委戈下流，以擣其背。大業可定矣。世祖悅曰：「儒者中乃有此人乎！」中統初，詔徵爲懷孟等路提舉學校官，不就。遺執政書，其畧曰：「先王之道，不明異端邪說害之也。橫流奔放，天理不絕如線。今天子神聖俊乂，輻湊言納，計用先王之禮樂教化，興明修復，維其時矣。若夫簿書期會文法末節，漢唐猶不屑也。執事者因陋就簡，此焉是務。良可惜哉！夫善始者未必善終，今不能溯流求源，明法正俗，育材興化，以

通鑑卷三百四十五

元紀

明宗一

二

拯數百千年之禍，僕恐後日之弊將有不可勝言者矣。人或勉之，仕則曰：「後世去古雖遠，而先王之所設施本末先後，猶可考見。故爲政者莫先於復古。苟因習舊弊以求合乎先王之意，不亦難乎？」吾又不能隨時俛仰以赴機會，將焉用仕？於是杜門著書，一不以窮通得喪動其志。優游道藝，以終其身。所著書曰：《春秋地理原委》十卷、《語孟旁通》八卷、《皇極》引用八卷、《皇極疑事》四卷、《極學》十卷、《律呂律歷禮樂雜志》三十卷、《文集》十卷。其於律則究其始，研其義，長短清濁，周徑積實，各以類分，取經史之說以質之，而折衷其是非。

其於歷則謂造曆者皆從十一月甲子朔夜半冬至  
爲歷元獨邵子以爲天開於子取日甲月子星甲辰  
子爲元會運世之數無朔虛無閏餘率以三百六十  
爲歲而天地之盈虛百物之消長不能出乎其中矣  
論閉物開物則曰開於巳閉於戌五天之中也六地  
之中也戊巳月之中星也又分卦配之紀年金之大  
定庚寅交小過之初六國朝之甲寅三月二十有三  
日寅時交小過之九四多先儒所未發云 丙戌周  
王和世疎即帝位于和寧之北遣撒廸還京師命之  
曰朕弟曩嘗觀書史邇者得無廢乎聽政之暇宜親

通鑑卷二百四十五

元紀

明帝一

三

賢士大夫講論史籍以知古今治亂得失卿等至京  
師當以朕意諭之舊臣及兩宮之民間北使至皆歡  
呼鼓舞曰吾天子實自北來矣爭先迎謁所至成聚  
陝西自泰定二年至是不雨歲大饑人相食詔起

養浩

張養浩爲西臺御史中丞往賑之先是養浩弃官家  
居七詔不起至是聞命登車即行道經華山禱于岳  
祠一雨三日到官復大雨禾黍自生秦人大喜時斗  
米十三緡鈔稍昏即不用詣庫倒換累曰不能得民  
大窘養浩檢庫中未毀昏鈔得一千八十五萬悉以

印裁其背又劑十貫五貫爲券給貧民命米商視印

記諸庫驗數易與新鈔又率富商出粟及奏行納粟補官之令聞民有殺子以啖母者爲之大慟出私錢濟之且命出其肉徧示闔府官屬責其不能賑貸

二月辛卯帝御大明殿立其妃弘吉刺氏爲皇后

癸巳遣翰林侍講學士曹元用祀孔子於闕里辛

丑追尊周王母亦乞烈氏母唐兀氏並爲皇后辛

亥帝謂廷臣曰撒迪還言大兄已即皇帝位凡二月

二十一日以前除官者速與制敕後凡銓選其詣大

兄行在以聞三月辛酉遣燕帖木兒奉皇帝寶于

行在所復命有司奉金千五百兩銀七千五百兩幣

通鑑卷百四十五

元紀 明宗一

四

帛各四百疋金腰帶二十詣行在所所以備賜與於是

諭廷臣曰寶璽旣北上繼今國事其遣人聞於行在

所夏四月癸巳燕帖木兒見于行在所行在嘉其

功拜爲太師復諭之曰凡京師百官朕弟所用者並

仍舊其諭以朕意燕帖木兒因奏陛下君臨萬方國

家大事所繫者中書省臣樞密院御史臺而已宜擇

居之行在然其言以宗武舊人哈八兒禿爲中書平

章政事伯帖木兒知樞密院事孛羅爲御史大夫

甲午立行樞密院命昭武王知院事火沙賽帖木兒

賈奴同知院事是日宴諸王大臣於行殿因諭臺臣



曰太祖有訓美色名馬人皆悅之然方寸一有係累  
即能壞名敗德卿等居風紀之司亦嘗念及此乎世  
祖初立御史臺首命塔察兒奔帖傑兒二人協司其  
政天下國家譬如一人之身中書則右手也樞密則  
左手也左右手有疾治之以良醫省院闕失不以御  
史臺治之可乎凡諸王百司違法越禮一聽舉劾風  
紀重則貪墨懼猶斧斤重則入木深其勢然也朕有  
缺失卿等亦以聞朕不爾責也

乙未特命李羅等  
傳旨宣諭諸司曰世祖皇帝立中書省樞密院御史  
臺及百司庶府共治天下大小職掌已有定制世祖

通鑑卷一百四十五

元紀

明宗一

五

命廷臣集律令章程以爲萬世法成宗以來列聖相  
承罔不恪遵成憲朕今居太祖世祖所居之位凡省  
院臺百司庶政詢謀僉問問標譯所奏以告于朕軍務  
機密樞密院當即以聞毋以夙夜爲間而稽留之其  
他事務果有所言必先中書院臺其下百司及誓御  
之臣毋得隔越陳請宜宣諭諸司咸俾聞知倘違朕  
意必罰無赦

癸卯行在罷懷王帝號立爲皇太子  
仍立詹事院罷儲慶司以徹里帖木兒爲中書平章  
政事時旱蝗民饑河南北山東兩浙饑民毋慮百萬

戶食人內事覺者五十一人  
五月丁巳朔行在次

朶里伯真之地 己未皇太子遣翰林學士承旨阿  
鄰帖木兒覲于行在 庚申行在次斡耳罕木東壬  
申次探秃兒海乙亥次秃忽刺敕大都省臣鑄皇太  
子寶時求太子故寶不知所在近侍伯不花言寶藏  
于上都行在遣人至上都索之無所得乃命更鑄之  
丁丑皇太子發京師北迎行在戊寅皇太子次于  
火口市馬二百八十四匹載乘輿服御送行在所己卯  
行在次秃忽刺庚辰皇太子次香水園壬午行在次  
不魯通甲申行在次忽刺火失溫 六月丁亥朔行  
在次坤都也不刺遣近侍別不花至京師庚寅行在

通鑑卷二百四十五

元紀

明宗一

六

次撒里陝西行省告饑遣使還都與諸老臣議賑救  
之丁酉行在次兀納八大都 宰相鐵木兒補化以  
旱乞避位皇太子諭之曰皇帝遠居沙漠未能即至  
京師是以勉攝大位今亢陽爲災皆予闕失所致汝  
其勉修厥職可以上答天變仍命頒赦馳奏于行在  
行在曰修德應天乃君臣當爲之事鐵木兒補化所  
言良是天明可畏朕未嘗斯須忘于懷也皇太子來  
會當與共圖可以澤民利物者行之 庚戌皇太子  
次于上都之六十店辛亥行在次哈兒哈納秃詔諭

中書省臣凡國家錢穀銓選諸大政事先啓皇太子

然後以聞御史孔思迪言於皇太子曰人倫之中夫婦為重比見內外大臣得罪就刑者其妻妾即斷付他人似與國朝旌表貞節之旨不侔夫亡終制之令相反况以失節之婦配有功之人又與前賢所謂娶失節者以配身是已失節之意不同今後凡負國之臣籍沒奴婢財產不必罪其妻子當典刑者則孥戮不必斷付他人庶使婦人均得守節請著為令皇太子從之 秋七月丙辰朔日食癸亥太白經天 八月乙酉朔行在次于王忽察都丙戌皇太子入見是日行在宴皇太子及諸王大臣于行殿 庚寅行在通鑑卷一百五十一 元紀 明宗一 七

暴崩皇太子入臨哭盡哀燕鐵木兒以行在皇后之命奉皇帝寶授于皇太子

胡粹中曰聞之故老言燕帖木兒奉上璽綬明宗從官有不為之禮者燕帖木兒且怒且懼既而帝暴崩燕帖木兒聞哭聲即奔入帳中取寶璽扶文宗上馬南馳本史乃言皇太子入哭盡哀燕帖木兒以皇后命奉皇帝寶授于太子其說不合豈當時忌諱有不敢明言者歟

癸巳皇太子至上都巳亥皇太子復即位于上都大赦天下 以伯顏為左丞相欽察台阿兒思蘭海牙

趙世延並爲平章政事。朶兒並爲右丞。阿榮、趙延安並叅知政事。塔失鐵木兒知樞密院。鐵木兒補化鐵木兒脫並爲御史大夫。九月丁巳，帝還大都。改潛寧潭州曰大臨，建龍翔集慶寺于建康。命阿榮、趙延安督工臺。臣監造於是。南臺御史蓋苗上封事曰：臣聞使民以時，使臣以禮，自古未有不由斯道而致隆平者。陛下龍潛建業之時，居民困於供給，幸而獲覩今日之運，百姓跂足舉首以望非常之恩。今奪民時，毀民居，以翔佛寺，豈聖人御天下之道乎？昔漢高祖通鑑卷一百四十五

元紀 明宗一

八

與于豐沛，爲復兩縣。光武中興南陽，免稅三年。今不務此而隆重佛氏，何以慰斯民之望哉！且佛以慈悲爲心，方便爲教。今尊佛氏而害生民，無乃違其方便之教乎？臺臣職專糾察，表正百司。今乃委以修繕之役，豈其禮哉！書奏爲免臺臣監役。以虞集爲奎章閣侍書學士。時關中大饑，帝問集何以救關中，對曰：承平日久，人情宴安，有志之士急於近效，則怨譁興焉。不幸大蓄之餘，正君子爲治作新之機也。若遣一二有仁術知民事者，稍寬其禁令，使得有所爲，隨郡縣擇可用之人，因舊民所在，定城郭，修閭里，治溝洫。

限畝畝。薄征歛。招其傷殘老弱。漸以其力治之。則遠去而來歸者。漸至春耕秋歛。皆有所助。一二歲間。勿征勿徭。封域旣正。友望相濟。四面而至者。均齊方正。截然有法。則三代之民。將見出於空虛之野矣。帝稱善。因進曰。幸假臣一郡試。以此法行之。三五年間。必有以報朝廷者。左右有曰。虞伯生欲以此去爾。罷其其議。張養浩卒。養浩濟南人。自幼有行義勤學業。由臺省掾爲堂邑尹。毀淫祠三十餘。有李虎者爲民害。前尹莫詰。竟寘諸法。武宗時。拜監察御史。上疏萬餘言。當國者不能容。改授翰林待制。復構以罪。罷之。

通鑑卷三百四十五

元紀

明宗一

九

仁宗延祐初。爲禮部侍郎。知貢舉。進士請謁。皆不納。但使人戒之曰。諸君子。但思報國。奚勞謝爲。歷陝西侍御史。入爲中書右司郎中。改禮部尚書。至是。爲御史中丞。補官四月。未嘗家居。止宿公署。夜禱于天。晝出。賑饑無少怠。每一念至。即撫膺慟哭。遂得疾。卒。年六十。關中民哀之。如失父母。贈功臣。號平章政事。上柱國。追封濱國公。謚文忠。養浩嘗著書三卷。一曰廟堂忠告。二曰風憲忠告。三曰牧民忠告。皆言居官之道。戊辰。敕翰林國史院同奎章閣學士。采輯本朝

故事。準唐宋會要。爲經世大典。乙亥。史惟良上疏。

言今天下郡邑被害者衆國家經費若此之繁帑藏  
空虛生民凋瘵此正更新百廢之時宜遵世祖成憲  
汰冗濫蠶食之人罷土木不急之役事有不便者咸  
釐正之如此則天災可弭禎祥可致不然將恐因循  
苟且其弊彌深治亂之由自此而分矣帝嘉納之

癸未建顏子廟于曲阜所居陋巷 冬十月甲午中  
書省臣言舊制朝官以三十月爲一考外任則三年  
爲滿此年朝官率不久於其職或數月即改遷於典  
制不類且治蹟無從考驗請如舊制爲宜 丙申上  
大行皇帝尊謚廟號明宗國語曰護都篤皇帝 命

通鑑卷一百四十五

元紀

明宗一

十

江西湖廣分漕米四十萬石以紓江浙民力 戊申  
徵故中書省臣朶朶王士熙等十二人于貶所放歸  
田里囚在獄三年疑不能決者釋之民間拖欠官錢  
無可追徵者盡行蠲免 十一月湖廣徭賊寇邊凡  
二百八十餘處 十二月以西僧輦真吃刺思爲帝  
師帝師至上命朝廷一品以下咸郊迎大臣俯伏進  
觴帝師不爲動惟國子祭酒李木魯神舉觴立進曰  
帝師釋迦之徒天下僧人師也 孔子之徒天下儒  
人師也請各不爲禮帝師笑而起舉觴卒飲衆爲之

宋元通鑑卷第一百四十五

通鑑卷三百五

元紀

明宗一

十一



宋元通鑑卷第一百四十五

宋元通鑑卷第一百四十六

明賜進士前憲大夫浙江按察司提學副使東京吏禮郎中武進薛應旂編集

長

洲

陳仁錫詳閱

元紀十八

起庚午至壬申凡三年

文宗一

至順元年春正月丙辰命趙世延趙世安領纂修經世大典事二月壬午籍張珪子五人家資丁亥

命江南陝西河南等處富民輸粟補官以粟多寡定為品級有差庚寅以脩經世大典久無成功專命

奎章閣阿鄰帖木兒等譯國言所紀典章為漢語纂

通鑑卷二百四十六

元紀

文宗一

一

修則趙世延虞集而燕鐵木兒如國史例監修閏

月辛卯朔奎章閣學士忽都魯都兒迷失撒迪虞集

辭職詔諭之曰昔我祖宗睿知聰明其於致理之道

自然生知朕以統緒所傳實在眇躬夙夜憂懼自惟

早歲跋涉艱阻視我祖宗既乏生知之明於國家治

體豈能周知故立奎章閣置學士員日以祖宗明訓

古昔治亂得失陳說於前使朕樂於聽聞卿等其推

所學以稱朕意其勿復辭己亥監察御史言中書

平章朵兒只貪污著聞紊亂銓選罷之乙巳封明

宗皇子亦隣質班為鄜王丁未以伯顏知樞密院



事帝以燕帖木兒有大功欲獨相以尊異之乃詔諭  
中書省曰昔世祖嘗以宰相一人總領世務故政治  
出於一今燕帖木兒為右丞相伯顏知樞密院事左  
丞相其勿復置以阿不海牙為中書平章政事召  
瞻思為應奉翰林文字賜對奎章閣帝問曰卿有所  
著述否思進所著帝王心法帝稱善詔預修經世大  
典以論議不合求去庚戌命市故瀛國公趙鼎田  
為龍翔集慶寺永業御史臺臣言不必予其直帝曰  
吾建寺為子孫黎民計若取人田而不予直非朕志  
也三月戊午廷試進士九十七人賜及第出身有  
通鑑卷百四十六元紀文宗一

差是科得歸賜封皇子阿剌忒納答為燕王命

彰德路歲祭羨里周文王祠雲南諸王禿堅及萬

戶伯忽阿禾等叛攻陷中慶路殺廉訪司官尋自稱

雲南王以伯忽為丞相阿木等為平章等官立城柵

焚倉庫以拒命詔以乞住為雲南平章政事帖木兒

不花為雲南左丞及中都卿小云失從阿剌忒納失

里由八番進討之已巳議明宗升祔序于英宗之

上視順宗成宗廟遷之例壬申祔明宗神主于太

廟丁丑賜燕鐵木兒功勳之碑夏四月壬午朔

命西僧作佛事于仁智殿自是日始至十二月終罷

皇后弘吉刺氏與宦者拜住謀殺明宗皇后八不

沙 是月天下饑 五月戊午帝御大明殿百官上

尊號改元至順 甲子申命燕鐵木兒爲中書右丞

相 戊辰帝如上都將立其子阿剌忒納答刺爲皇

太子乃以妥懽帖睦爾乳母夫言明宗在日素謂太

子非其子黜之江南驛召翰林學士阿鄰帖木兒奎

章閣大學士忽都魯篤彌實書其事于脫卜赤顏又

召虞集使書詔播告中外 辛未以亦列赤爲中書

平章政事 六月辛巳朔燕鐵木兒言嚮有旨惟許

臣及伯顏兼領三職今趙世延以平章政事兼翰林

通鑑卷百四十六

元紀 明宗

三

學士承旨奎章閣大學士世延引疾以辭帝曰朕重

老成人其令世延仍視事中書果病無預銓選可也

庚子闕徹伯脫脫木兒及通政使只兒哈郎等以

燕帖木兒權勢崇重欲謀誅之也的迷失脫迷以變

告按問並棄市籍其家 雲南宣慰使土官祿余初

以討禿堅之功授行省叅知政事乃謀叛附于禿堅

羅羅諸蠻因相繼作亂平章帖木兒不花被害詔諸

王雲都思帖木兒將江浙河南江西三省兵二萬與

湖廣省臣脫歡並討之 秋七月己巳中書省臣言

近歲帑廩虛空其費有五曰賞賜曰作佛事曰創置

衙門曰濫冒支請曰續增衛士鷹坊請加汰減從之  
授進士遂魯曾爲翰林院編修時御史劾中丞史  
顯夫簡傲魯曾曰中丞素持重不能與人周旋御史  
以人情劾之非公論由是皆知其直 丁丑鐵木迭  
兒子鎖住觀音奴督野里海牙坐慾望造符籙祭北  
斗呪詛事覺詔中書鞠之事連前刑部尚書烏馬兒  
前御史大夫孛羅上都留守馬兒等俱伏誅 閏月  
癸未監察御史葛明誠言中書平章政事趙世延年  
踰七十固位苟容請斥歸田里詔中書議燕帖木兒  
言世延向自陳致仕不允所請御史之言蓋不知有

通鑑卷三百六

元紀

文宗一

四

旨也帝曰如御史言世延固難在中書矣其仍任以  
翰林奎章之職 行樞密言征戍雲南軍士二人逃  
歸捕獲法當死詔曰如臨戰陣而逃死宜也非接戰  
而逃輒當以死何視人命之易耶其杖而流之 戊

申詔加孔子廟父齊國公叔梁紇爲啓聖王母顏氏啓

聖王夫人顏子充國復聖公曾子邾國宗聖公子思

沂國述聖公孟子鄒國亞聖公程顥豫國公程頤洛

國公 羅羅斯土官撒加伯及阿柄土官阿刺里州

土官阿答以兵八千撒毀棧道遣把事曹通潛結西

番欲據大渡河進寇建昌四川行省調峒門安撫司

軍人七百成都等處諸屯兵千人令萬戶周戡統領直抵羅羅斯界以控扼西番及諸蠻都又遣萬戶胥定遠以軍五千同卯部知州馬伯所部蠻兵會周戡等從便進討是月江南大水江浙湖廣尤甚沒民田五萬一百八十頃民饑者四十餘萬戶八月辛亥雲南躍里帖木兒以兵屯建昌執羅羅斯把事曹通斬之己未帝還大都壬申詔興舉蒙古字學

九月庚辰大寧地震

丙戌廣源賊閉覆寇龍州

羅回洞龍州萬戶府移文詰安南國其國回言本國

自歸順天朝恪共臣職彼疆我界盡歸一統豈以羅

通鑑卷二百六

元紀文宗

五

回元隸本國遂起爭端此蓋邊吏生釁假閉覆為名

爾本府宜自加窮治湖廣行省備其言以聞命龍州

萬戶府申嚴邊防

辛卯監察御史朶羅台王文若

言嶺北行省乃太祖肇基之地武宗時太師月赤察

兒為右丞相太傅答刺罕為左丞相保安邊境朝廷

遂無北顧之患今天子臨御乃命哈八兒秃為平章

政事其人無正大之譽有鄙俚之稱錢穀甲兵之事

懵無所知豈能昭宣皇猷替襄國政且以月赤察兒

輩居於前而以斯人繼其後賢不肖固不待辯而明

理宜黜罷制曰可

冬十月辛酉帝始服大裘袞冕

親祀昊天上帝於南郊以太祖配享蓋自世祖至是凡七世而南郊親祀之禮始克舉焉 乙亥賜伯夷

叔齊廟額曰聖清每歲春秋祀以少牢 十一月辛

巳御史臺言陝西行省左丞怯列坐受人僮奴一人

及鸚鵡請論如律詔曰位至宰執食國厚祿猶受人

生口理宜罪之但鸚鵡微物以是論賊失於太苛其

從重者議罪今後凡饋禽鳥者勿以贓論著為令

辛丑徵河南行省民間糧稅不通舟楫之處得以鈔

代輸 十二月巳酉詔以漢董仲舒從祀孔子廟位

列七十二子下 辛亥立燕王阿剌忒納答剌為太

通鑑卷一百八

元紀

文宗

六

子監察御史言昔裕宗由燕邸而正儲位世祖擇耆

舊老臣如王顯姚燧蕭燾等為之師保賓客今皇太

子仁孝聰睿出自天成誠宜慎選德望老成學行絕

正者俾之輔導於左右以宏養正之功實宗社生民

之福也帝嘉納其言 范梈卒梈字亨父一字德機

清江人家貧早孤天資穎異所誦讀輒記憶雖癯然

清寒若不勝衣於流俗中克自樹立無苟賤意居則

固窮守節竭力以養親出則假陰陽之技以給旅食

耽詩工文用力精請入罕知者年三十六始客京師

即有聲諸公間中丞董士選延之家塾以朝臣薦為

范梈

翰林編修秩滿除海南海北道廉訪司照磨巡歷遐僻不憚風波瘴癘所至興學教民雪理冤滯遷江西湖東道又改福建閩海道知事天曆二年授湖南嶺北道經歷至是卒年五十九其所爲詩文多傳於世四任佐風憲謹身守法不可干以私蔬食水飲泊如也吳澄誌其墓以爲特立獨行之士可方東漢諸君子蓋非虛美云

二年春正月辛卯太子阿剌忒納答剌卒 二月戊申立廣教總管府凡十六所以掌天下僧尼之政秩正三品府設達魯花赤總管同知府事判官各一員

通鑑卷百四十六

元紀 文宗

七

總管則僧爲之 壬子以伯撒里爲中書平章政事

庚午創建五福太一宮于京城乾隅 三月丙戌

雨土霧司徒香山言陶弘景胡笳曲有負屐飛天曆終是甲辰君之語今陛下生年紀號實與之合此受命之符乞錄付史館頒示中外詔翰林集賢諸儒臣議咸以謂唐開元間太子賓客薛稷進武后鼎銘云上玄降監方建隆基爲玄宗受命之符姚崇表賀宋司馬光言其采偶就之文以爲符瑞此小臣之諂而宰相實之是侮其君也今弘景之曲雖於生年紀號

若屬合者然陛下應天順人召隆正統于今四年

海內外罔不歸心固無待於旁引曲說以爲符命從其所言恐啓識緯之端非所以定民志也事遂寢

浙西水旱諸路饑民八十五萬餘戶夏四月庚戌

真定武陟地震逾月不止乙卯阿剌忒納失里及

各省兵十餘萬進擒伯忽阿禾斬之烏蒙東川諸夷

皆歎服遂復中慶路遣使獻捷言叛者或誅或降雖

已畧定餘黨逃竄山谷不能必其不反側乞分兵鎮

遏之餘皆遣還詔從之五月乙未纂修經世大典

成丙申帝如上都六月吳澄卒澄字幼清撫州

崇仁人九歲從羣子弟試鄉校每中前列弱冠用力

通鑑卷百零六

元紀 文宗一

八

聖賢之學嘗著說曰道之大原出於天神聖繼之堯

舜而上道之元也堯舜而下其亨也洙泗鄒魯其利

也濂洛關閩其貞也分而言之上古則羲黃其元堯

舜其亨禹湯其利文武周公其貞乎中古之統仲尼

其元顏曾其亨乎子思其利孟子其貞乎近古之統

周子其元程張其亨也朱子其利也孰爲今日之貞

乎未之有也然則可以終無所歸哉其早以斯文自

任如此宋末舉進士不第隱居布水谷讀書著述遂

不復出元有天下御史程鉅夫奉詔求賢起澄至京

師以母老辭歸朝廷命有司即其家錄所著書置子

國子監除江西儒學副提舉以疾去尋爲翰林學士  
泰定間謝病歸士大夫皆迎請執業而四方之士不  
憚數千里躡履負笈來學山中者常不下千數百人  
少暇即著書至將終猶不置也於易書詩春秋禮記  
各有纂言盡破傳註穿鑿以發其蘊條歸紀叙精明  
簡潔卓然成一家言作學基學統二篇使人知學之  
本與爲學之序尤有得於邵堯夫陸子靜之學按定  
皇極經世書又校正老子莊子太玄經樂律及八陣  
圖郭璞葬書初澄所居草屋數間程鉅夫題曰草廬  
故學者稱之爲草廬先生卒年八十五有大星墜其  
通鑑卷百四十六  
元紀文宗

九

舍東北贈臨川郡公謚文正 秋七月戊戌封伯顏

爲浚寧王 八月甲辰朔日食 辛亥帝還大都

江浙水壞田十八萬八千七百三十八頃 詔皇子

古剌答納出居燕帖木兒家 九月祿余復寇雲南

冬十月都元帥怯烈擊走之祿余既竄伏尋出收召

餘黨列行營六十所復作亂寇順元等路雲南省臣

遣都事那海往招之遇害既而蒙古都元帥怯烈潛

師擊破賊若殺五百餘人禿堅之弟必刺都古象先

舉家赴海死獲禿堅弟二人子三人誅之祿余遁去



塔刺海為子賜居第貲產 十二月癸丑河北道廉訪副使僧家奴言自古求忠臣必於孝子之門今官于朝者十年不省親者有之非無思親之心實由朝廷無給假省親之制而有擅離官次之禁古律諸職官父母在三百里外三年聽一給定省假二十日無父母者五年聽一給拜墓假十日以此推之父母在三百里以至萬里外者宜計道里遠近定立假期其應省親匿而不省親者坐以罪若詐冒假期其罪與詐奔喪者同科命中書省議行

三年春正月壬午加封孔子妻鄆國夫人拜官氏為通鑑卷百四十六元紀文宗一十

大成至聖文宣王夫人 二月祿余言于四川行省

乞降詔中書樞密院雜議之 邛州有二井宋名金

鳳茅池天曆初地震鹽水湧溢州民侯坤願作什器

煮鹽而輸課于官詔四川鹽運司主之 三月癸巳

皇子古剌答納更名燕帖古思 夏四月戊申大寧

路地震 五月甲戌撒迪請備錄皇上登極以來固

讓大凡往復奏答其餘訓敕辭命及燕鐵木兒等宜

力効忠之蹟命朶來續為蒙古脫卜赤顏一書置之

奎章閣從之 戊寅京師地震有聲 庚寅帝如上

都 壬辰太常博士王贊言諸路請加封神廟濫及

淫祠按禮經以勞定國以死勤事能禦大災能捍大患則祀之其非祀典之神自後不許加封制可丁酉白虹並日出長竟天原追封顏子父顏無繇爲杞

國公謚文裕母齊姜氏杞國夫人謚端獻妻宋戴氏

兗國夫人謚貞素六月己亥朔錄用朶朶王士熙

脫歡等乙丑監察御史陳思謙言內外官非文武

全才出處繫天下安危能拯金革之難者不許奪情

起復從之時思謙又言銓衡之弊入仕之門太多黜

陟之法太簡州郡之任太淹朝省之除太速欲設三

策以救四弊一曰至元三十年以後增設衙門冗濫

不急者從實減并其外有選法者并入中書二曰宜

參酌古制設辟舉之科令三品以下各舉所知得才

則受賞失實則受罰三曰古者刺史入爲三公郎官

出宰百里蓋使外職識朝廷治體內官知民間利病

今後歷縣尹有能聲善政者受郎官御史歷郡守有

奇才異績者任憲使尚書其餘各驗資品通遷在內

者不得三考連任京官在外者須歷兩任乃遷內職

績非出類守不敗官者則循以年勞處以常調凡朝

缺官員須十二月之上方許遷除帝可其奏命中書

議行之

通鑑卷一百四十六 元紀 文宗一

十一

秋七月庚寅給鈔萬錠命燕鐵木兒分賜

累朝宮分嬪御之貧乏者 江南行臺監察御史蘇

天爵慮囚于湖北湖北地僻遠民獠所雜居天爵冒

瘴毒徧歷其地因有言寃狀者天爵曰憲司歲兩至

不言何也皆曰前此慮囚者應故事耳今聞御史至

當受刑故不得不言天爵為之太息每事必究心雖

盛暑猶夜篝燈治文書無倦明於詳讞獄多平反

八月乙巳天鼓鳴于東北巳酉隴西地震 帝崩于

上都廟號文宗國語稱曰札牙篤皇帝 九月地震

冬十月庚子鄜王懿璘質班即位王明宗第二子

留居京師帝始崩時燕帖木兒請皇后立皇子燕帖

通鑑卷一百四十六 元紀 文宗 十一

古思后不從命立鄜王時年甫七歲百司庶務咸啓

皇后取進止 辛丑以撒迪為平章政事 十一月

戊寅尊皇后為皇太后 壬辰鄜王薨廟號寧宗

王禕曰寧宗之立雖母后權臣利於立幼抑文宗

顧命舍其子而立兄子是不可謂非公天下之心

也然終不足以掩弑兄之惡人心天理吁可畏哉

太后遣右丞闊里吉思迎妥懽帖睦爾于靜江初太

祖取西北諸國阿兒斯蘭率眾來降乃封為郡王明

宗居沙漠納其裔孫納罕祿魯氏女曰邁來的生妥

懽帖睦爾至順初明宗后遇害遂徙之高麗使居大

青島中尋詔天下言明宗在時素謂非其子移于廣  
西之靜江鄜王薨燕帖木兒復請立燕帖古思皇太  
后曰吾子尚幼安懼帖睦爾在廣西今年十三矣且  
明宗長子於理當立乃遣闕里吉思往迎之

通鑑卷一百四十六

元紀 文宗一

三



明宗長子於理當立

明宗長子於理當立

明宗長子於理當立

宋元通鑑卷第一百四十六

宋元通鑑卷第一百四十七

明賜進士前憲大夫浙江按察司提學副使南京吏禮郎中武進薛應旌續集

長

洲

陳仁錫評閱

元紀十九

起癸酉至丙子凡四年

順帝一

妖

元統元年春三月燕帖木兒死燕帖木兒自秉權以來肆行無忌一宴或宰十三馬取泰定后為夫人前後尚宗室女四十人有交禮三日遽遣歸者後房充斥不能盡識一日宴趙世延宅男女列坐見坐隅一婦甚麗意欲與俱歸顧左右曰此為誰對曰太師家

通鑑卷一百四十七

元紀

順帝一

一

人也自後荒淫日甚體羸溺血而死夏五月京師

地震六月己巳妥懽帖睦爾即帝位于上都初帝

自廣西迎至百官具鹵簿迎于良鄉燕帖木兒既見

並馬徐行具陳迎立之意帝畏之一無所答燕帖木

兒疑其意不可測故至京久不得立適太史亦言其

立則天下亂用是議未能決遷延者數月至是燕帖

木兒死皇太后乃與大臣定議立之且約後當傳于

燕帖古思若武宗仁宗故事辛未以伯顏為太師

右丞相撒敦為太傅左丞相時有阿魯輝帖木兒者

明宗親臣也言於帝曰天下事重宜委宰相決之庶

可責其成功若躬自聽斷必負惡名帝然之由是深  
居宮中每事決於宰相而已無所專焉 是月大霖  
雨京畿水平地丈餘涇河溢關中水災黃河大溢河  
南水災兩淮旱民大饑 秋七月霖雨己亥太陰犯  
房宿 八月壬申鞏昌徽州山崩立燕帖木兒女伯  
牙吾氏爲皇后 奎章閣侍書學士虞集謝病歸初  
御史中丞馬祖常求集薦引其鄉人龔伯璘集固不  
從祖常不悅帝之將立也召諸老臣赴上都集亦預  
焉祖常使人告集曰御史有言矣蓋以文宗嘗命集  
書詔言帝非明宗子故祖常以是風集使去集乃謝  
病歸臨川集既去侍臣有以舊詔言者帝不懌曰此  
我家事豈由彼書生邪尋遣使賜酒幣召還禁林會  
疾作兩目喪明竟不至 九月甲午太陰犯填星乙  
未太陰犯天江庚申秦州山崩 冬十月丙寅鳳州  
山崩 戊辰收元元統 十一月丙申鞏昌成紀縣  
地裂山崩 辛亥江西湖廣江浙河南復立榨茶運  
司封伯顏爲秦王 秦州山崩地裂 十二月壬申  
遣省臺官分理天下囚罪狀明者處決冤者辨之疑  
者獻之淹滯者罪其有司

通鑑卷一百七

元紀

順帝

二

元統二年春正月庚寅朔雨血于汴梁着衣皆赤

辛卯阿里海牙出爲河南行省左丞相以御史大夫  
脫別台爲中書平章政事 二月己未朔詔內外興

舉學校 三月己丑朔詔科舉取士國子學積分學

校官選有德行學問之人以克是科進士得張楨

辛卯以陰陽家言罷造作四年是月山東霖雨水湧

湖廣旱浙西水旱疾疫饑民至五十七萬戶一夏四

月戊午朔日食丁丑太白經天 壬午帝嘉許衡輔

世祖以不殺一天下特錄其孫從宗爲章佩監提點

乙酉中書省臣言佛事布施費用太廣以世祖時

較之歲增金三十八錠銀二百三錠四十兩繒帛六

萬一千六百餘疋請除累朝期年忌日之外餘皆罷

從之 是月帝時巡上都 河南旱自是月不雨至

于八月 休寧處士陳櫟卒櫟字壽翁生三歲祖母

吳氏口授孝經論語輒成誦五歲即涉獵經史七歲

通進士業十五鄉人皆師之宋亡科舉廢櫟慨然發

憤致力於聖賢之學以朱熹氏爲宗延祐初詔科舉

取士櫟不欲就試有司強之試鄉闈中選遂不復赴

禮部教授於家不出門戶者數十年所居堂曰定宇

學者稱爲定宇先生至是卒年八十三揭傒斯誌其

墓乃與吳澄並稱曰澄居通都大邑又數登用于朝

通鑑卷一百四十一

元紀 順帝

三

胡一桂

胡炳文

王太守

闕文興  
王氏

天下學者四面而歸之故其道遠而章尊而明櫟居

萬山間與木石俱而足跡未嘗出鄉里故其學必待

其書之行天下乃能知之及其行也亦莫之禦是可

謂豪傑之士矣世以為知言其同郡胡一桂學者稱

為雙湖先生胡炳文學者稱為雲峰先生皆一遵朱

子之學云 五月辛卯以唐其勢代撒敦為中書左

丞相撒敦仍商議中書省事 贈故中書平章政事

王泰亨謚清憲舊令三品以上官立朝有大節及有

大功勲于王室者得賜功臣號及謚時寢冗濫失實

惟泰亨在中書時安南請佛書乞以九經賜之使高

麗不受禮遺為尚書貧不能自給故特賜是謚 贈

漳州萬戶府知事闕文興英毅侯妻王氏貞烈夫人

廟號雙節初文興從軍漳州與妻王氏偕行至元十

七年陳弔眼作亂攻漳州文興帥兵與戰死之王氏

被掠義不受辱給賊曰俟葬吾夫即汝從也賊許之

遂負尸還積薪焚之火既熾即自投火中死至是事

聞特加褒贈立廟祀之 六月乙亥唐其勢辭左丞

相不拜復命撒敦為左丞相 辛巳詔蒙古色目人

行父母喪 是月彰德雨白毛民謠云天雨線民起

恚中原地事必變 秋七月己酉夜有流星大如酒

通鑑卷一百四十七

元紀

順帝

四



孟其色赤約長五丈餘光明燭地起自天津没于離  
 宮之南是月至九月太白屢經天 八月辛未赦天  
 下 京師地震雞鳴山崩陷為池方百里人死者甚  
 衆 九月辛卯帝還大都 冬十月巳卯上皇太后  
 尊號赦天下免今年田租之半 始以真哥皇后配  
 饗武宗時議三朝皇后升祔未決伯顏以問太常博  
 士逮魯曾曰先朝既以真哥皇后無子不為立主今  
 所當立者明宗母那文宗母那對曰真哥皇后在武  
 宗朝已膺寶冊則文明二母皆妾今以無子之故不  
 得立主而以妾母為正是為臣而廢先君之后為子  
 通鑑卷二百七十一 元紀 順帝一 五

而追封先父之妾於禮不可昔燕王慕容垂即位追  
 廢其母后而立其生母為后以配享先王為萬世笑  
 豈可復蹈其失乎集賢學士陳顥素疾魯曾乃曰唐  
 太宗冊曹王明之母為后是亦二后也奚為不可魯  
 曾曰堯之母為帝嚳庶妃堯立為帝未聞冊以為后  
 而配嚳皇上為大元天子不法堯舜而法唐太宗那  
 魯曾為御史 癸未命臺憲部官各舉才堪守令者  
 一人 十一月戊子中書省臣請發兩艘船下番為  
 皇后營利 十二月甲戌詔整治學校禁私廟寺觀

皇... 廟院僧道入錢五十貫給度牒方聽出家

至元元年春正月癸巳命察勸農官勤惰 二月乙

卯帝將田于柳林御史臺臣諫曰陛下春秋鼎盛宜

思文皇付託之重致天下於隆平今赤縣之民供給

繁勞農務方興而馳騁冰雪之地倘有銜壓之變柰

宗廟社稷何遂止 三月庚子御史臺臣言高麗首

效臣節而近年屢遣使往取媵女至使生女不舉女

長不嫁乞禁止從之 夏四月己卯詔翰林國史院

纂修累朝實錄及后妃功臣列傳禁犯御名 五月

戊子帝如上都遣使者詣曲阜孔子廟致祭 壬辰

通鑑卷二百零七 元紀 順帝 六

命嚴謚法以絕冒濫 甲辰伯顏請以右丞相讓唐

其勢詔不允命唐其勢為左丞相 六月庚辰伯顏

奏唐其勢及其弟塔刺海謀逆誅之執皇后伯牙吾

氏幽于別所初撒敦已死伯顏獨秉政唐其勢忿曰

天下本我家天下伯顏何人而位吾上遂與其叔父

旬容郡王答鄰答里潛蓄異心謀立諸王晃火帖木

兒帝數召答鄰答里不至鄰王撒撒禿發其謀唐其

勢伏兵東郊率勇士突入宮伯顏及完者帖木兒等

掩捕獲唐其勢及其弟哈刺海伏誅晃火帖木兒自

殺 秋七月壬午伯顏弒皇后伯牙吾氏初唐其勢

事敗被擒攀折殿檻不肯出塔刺海走匿皇后座下  
后蔽之以衣左右曳出斬之血濺后衣伯顏使人并  
執后后呼帝曰陛下救我帝曰汝兄弟爲逆豈能相  
救乃遷后出宮伯顏尋殺之于開平民舍 壬寅專  
命伯顏爲中書右丞相罷左丞相不置 乙巳罷燕  
帖木兒唐其勢舉用之人 戊申誅答里阿察赤等  
于市詔曰曩者文宗皇帝以燕鐵木兒嘗有勞伐父  
子兄弟顯列朝廷而輒造事釁出朕遠方文皇尋悟  
其妄有旨傳次于予燕鐵木兒貪利幼弱復立朕弟  
懿璘質班不幸崩殂今丞相伯顏追奉遺詔迎朕于  
南旣至大都燕鐵木兒猶懷兩端遷延數月天墮厥  
躬伯顏等同辭翊戴乃正宸極後撒敦答里唐其勢  
相襲用事交通宗王晃火帖木兒圖危社稷阿察赤  
亦嘗與謀賴伯顏等以次掩捕明正其罪元兇構難  
貽我太皇后震驚朕用兢惕永惟皇太后後其所生  
之子一以至公爲心親挈大寶畀予兄弟迹其定策  
兩朝功德隆盛近古罕比雖嘗奉上尊號揆之朕心  
猶爲未盡已命大臣特議加禮伯顏爲武宗捍禦北  
邊翼戴文皇茲又克清大憝明飭國憲爰賜答刺罕

通鑑卷一百四

元紀

順帝

七

之號至于子孫世世永賴可赦天下 八月己卯議

尊皇太后為太皇太后許有壬言皇上於太后母子也若加太皇太后則為孫矣且今制封贈祖父母降父母一等蓋推恩之法近重而遠輕今尊皇太后為太皇太后是推而遠之乃反輕矣不從 監察御史泰不華率同列上章言嫡母不宜加徽稱太后聞之怒欲殺言者眾懼泰不華曰此事自我發之其受誅戮決不敢累諸公已而太后怒解曰風憲有臣如此豈不能守祖宗之法乎命賜金幣以旌其直 九月庚辰帝駐柅胡嶺 庚子御史臺臣言國初宦官不過數十人今內府執事不下千餘乞依舊制裁減冗濫以廣仁愛之心省糜費之患從之 帝還大都

通鑑卷一百四十七

元紀

順帝一

八

地 丁卯監察御史呂思誠等十九人訪奏徹里帖木兒之罪不聽皆辭去惟陳允文以不署名留 十一月庚辰敕以所在儒學貢士莊田租給宿衛衣糧 詔罷科舉初徹里帖木兒為江浙平章會科舉驛請考官供張甚盛心不能平及復入中書首議罷科舉及論學校莊田租可給宿衛士衣糧動當國者以發其機又欲損太廟四祭為一於是御史呂思誠等劾其罪狀不報而思誠出為廣西僉事時罷科舉詔

張夢臣  
馬伯庸  
歐陽玄

元中頌甚  
少以姪宋

已書而未用璽叅政許有壬力爭之伯顏怒曰汝風  
臺臣言徹里帖木兒邪有壬曰太師擢徹里帖木兒  
在中書御史三十人不敢太師而聽有壬豈有壬權  
重於太師邪伯顏意稍解有壬乃曰科舉若罷天下  
才人歟望伯顏曰舉子多以賊敗有壬曰科舉未行  
時臺中賊無筭豈盡出於舉子伯顏曰舉子中可任  
用者惟叅政爾有壬曰若張夢臣馬伯庸輩皆可任  
大事如歐陽玄之文章亦豈易及伯顏曰科舉雖罷  
士之欲求美衣食者自能尚學有壬曰爲士者初不  
事衣食伯顏曰科舉取人實妨選法有壬曰今通事  
通鑑卷三百四十七  
元紀 順帝一  
九

知印等天下凡三千三百餘名今歲自四月至九月  
白身補官受宣者亦且七十人而科舉一歲僅三  
十餘人科舉於選法果相妨乎不也伯顏心然其言  
而議已定不可中輟乃溫言慰解之翊日宣詔特令  
有壬爲班首以折辱之有壬懼禍不敢辭治書侍御  
史溥化謂有壬曰叅政可謂過橋折橋者矣有壬以  
爲大恥移疾不出 辛丑太史上言星文屢示儆帝  
以世祖皇帝在位長久欲祖述之下詔改元詔畧曰  
惟世祖皇帝在位長久天人協和諸福咸至祖述之  
意良切朕懷今特改元統三年仍爲至元元年監察

御史李好文言年號襲舊於古未聞襲其名而不蹈

其實未見其益因言時弊不如至元者十餘事不報

好文錄囚河東有李拜拜者殺人而行兇之狀不明

凡十四年不決好文曰豈有不決之獄如是其久乎

立出之王傳撒都刺以足踢人而死衆皆曰殺人非

刃當杖之好文曰怙勢殺人甚於用刃况因有所求

而殺之其情為尤重乃置之死河東為之震肅 十

二月乙丑上太皇太后尊號 戊寅蒙古國子監成

是月太白屢經天歲星屢晝見 閏月丁亥日赤

如赭凡二日河決封丘 壬寅徙徹里帖木兒于安

通鑑卷一百零七

元紀 順帝一

十

張楨

南徹里帖木兒嘗指斥武宗又以妻弟女為己女冒  
請珠袍等物於是臺臣復劾其罪而伯顏亦惡其忤  
已遂流之 是年張楨為高郵縣尹門無私謁守城

千戶狗兒妻崔氏為其小婦所譖虐死其鬼憑七歲

女詣縣訴楨備言死狀尸見瘞舍後楨率吏卒即其

所發土得尸拘狗兒及小婦鞫之皆伏辜人稱神明

二年春正月壬戌太陰犯右執法甲子太陰犯角宿

乙丑宿松縣地震山裂丁卯太隱犯房宿 是月置

都水庸田使司于平江 二月甲申太白經天 戊

平江水利

子詔以世祖所賜王積翁田八十頃還其子初積翁

賈詔諭日本死於王事嘗受賜後收入宮故復賜之

丁酉追尊生母邁來迪爲皇后 三月戊申以阿

里海牙家藏書畫賜伯顏 是春每日出如赭 夏

四月丁亥禁服麒麟鸞鳳白兔靈芝雙角五爪龍八

龍九龍萬壽福壽字赭黃等服 庚寅以帖木兒不

華爲中書平章政事撒迪爲御史大夫 戊戌帝如

上都 五月丙午朔黃河復于故道 乙卯南陽鄧

州大霖雨自是日至于六月 甲申湍河白河大溢

水爲災 丙辰丁巳太白晝見壬申秦州山崩 是

月發州不雨至于六月 六月辛卯禮部侍郎忽里

通鑑卷二百四十七

元紀

順帝

十一

台請復科舉取士之制不聽 秋七月庚午敕賜上

都孔子廟碑序載累朝尊崇之意 是月黃州蝗督民

捕之人日五斗 八月甲戌朔日食高郵大雨雹

詔各邊遠官死而不能歸葬者有司給糧食舟車護

送還鄉無親屬者官爲瘞之 庚子詔強盜皆死盜

牛馬者劓盜驢騾者黥額再犯劓盜羊豕者墨項再

犯黥三犯劓劓後再犯者死盜諸物者照其數估價

省院臺五府官三年一次審決著爲令 九月戊辰

帝還大都 冬十月己亥詔每日右丞相伯顏太保

定住中書平章政事索羅阿吉刺聚議于內廷平章

入中書

政事塔失海牙在丞鞏卜班叅知政事納麟許有壬  
聚議于中書 十一月丁巳遣河南行省平章玘珞  
普華於西番爲僧 十二月江州諸縣饑總管王大  
中貸富人粟以賑貧民免富人雜徭以爲息約年豐  
還之民不病饑

通鑑卷一百四十七

元紀

順帝一

十一

宋元通鑑卷第一百四十七



宋元通鑑卷第一百四十八

明賜進士前中憲大夫浙江按察司提學副使兩京吏禮郎中武進薛應旂編集

長

洲

陳仁錫詳閱

元紀二十

起丁丑至庚辰凡四年

順帝二

至元三年春正月癸卯廣州增城縣民朱光卿反其黨石昆山鍾大明率眾從之偽稱大金國改元赤符命指揮狗札里及江西左丞沙的討之 戊午帝獵

古的  
宋紹明

于柳林凡三十五日御史丑的宋紹明進諫帝賜以金帛丑的等固辭帝曰昔魏徵進諫唐太宗未嘗不

通鑑卷二百四十八

元紀

順帝二

賞汝其受之

婺州路總管府以金華儒士金履祥

許謙

所著論語孟子考證來上命刑行之其門人東陽許

謙序之曰聖賢之心盡在四書而四書之義備於朱

子顧其立言辭約意廣讀者咸得其粗而不能悉其

其義或以一偏之致自異而初不知未離其範圍世

之詆訾貿亂務為新奇者其弊正在此耳此金先生

考證之所由作也始余三四讀自以為瞭然已而不

能無惑久若有得覺其意初不與已異愈久而所得

愈深與已意合者亦大異於初矣童而習之白首不

知其要領者何限其可以異心求之哉履祥字吉甫

號仁山謚文安所著有考證及尚書表註通鑑前編  
行于世 二月壬申朔日食 棒胡反于汝寧信陽  
州棒胡本陳州人名閩兒以燒香惑衆妄造妖言作  
亂破歸德鹿邑焚陳州屯營于杏岡命河南左丞慶  
童帥兵討之 甲申定服色器皿輿馬之制 己丑  
汝寧獻所獲棒胡彌勒佛小旗偽宣敕并紫金印量  
天尺 辛卯發鈔四十萬錠賑江浙等處饑民四十  
萬戶開所在山場河泊之禁聽民樵采 庚子中書  
叅政納麟等請立採珠提舉司先是嘗立提舉司泰  
定間以其煩擾罷去至是納麟請復立之且以採珠  
通鑑卷一百四十八 元紀 順帝二 二

戶四萬賜伯顏

三月戊午立弘吉刺氏爲皇后后

名伯顏忽都武宗皇后之姪孛羅帖木兒之女也

是月天雨線 夏四月壬申遣使降香于龍虎三茅

閣皂諸山 癸酉禁漢人南人不得執持軍器凡有

馬者拘入官 甲戌有星孛于王良至七月壬寅沒

于貫索 己卯帝如上都 辛卯合州大足縣民韓

法師反自稱南朝趙王 丁酉謚唐杜甫爲文貞

己亥惠州歸善縣民聶秀卿譚景山等造軍器拜戴

甲爲定光佛與朱光卿相結爲亂 是月詔省院臺

部宣慰司廉訪司及郡府幕官之長並用蒙古色目

通鑑卷二百零八

元紀

順帝二

三

人禁漢人南人不得習學蒙古色目文字 五月辛丑民間訛言朝廷拘刷童男童女一時嫁娶殆盡戊申詔汝寧棒胡廣東朱光卿聶秀卿等皆係漢人漢人有官于省臺院及翰林集賢者可講求誅捕之法以聞 甲寅西番賊起殺鎮西王党兀班尋蔓延至二百餘處詔立行宣政院以也先帖木兒爲院使督兵往討之 丁卯彗星見於東北大如天船星色白約長尺餘彗指西南至八月庚午始滅 六月戊子加封尹子庚彘子徐甲列子莊子各爲真君 是月太白屢經天屢晝見屢犯太微垣 秋七月庚戌河南武陟縣禾垂熟有蝗自東來縣尹張寬仰天祝曰寧殺縣尹毋傷百姓俄有黑鷹羣飛啄食之 是月狗札里沙的擒朱光卿尋追擒石昆山鍾大明

八月壬午京師地大震先是京師大霖雨凡十三日御河沁河渾河皆溢没人畜田廬不可勝計至是地大震太廟梁柱裂各室墻壁壞壓損儀物及文宗神主御狀凡六日方止所損人民甚衆 九月己酉文宗新主玉冊及一切神御之物皆成詔依典禮祭告

冬十月金華處士許謙卒謙字益之父觥登淳祐七年進士仕未顯而殺謙生致歲而孤甫能言毋陶

氏口授孝經論語入耳輒不忘稍長肆力於學立程  
以自課雖疾恙不廢旣乃受業金履祥之門履祥語  
之曰士之爲學若五味之在和醯醬旣加則酸鹹頓  
異子來見我三日矣而猶夫人也豈吾之學無以感  
發於子邪謙聞之惕然居數年盡得其所傳之奧履  
祥旣沒謙益肆充闡多所自得自謂吾非有大過人  
者惟爲學之功無間斷爾平生制行甚嚴而所以應  
世者不膠於古不流於俗屏跡八華山四方之士不  
遠百舍而來受業其教人至誠諄悉內外殫盡獨不  
教人以科舉之文曰此義利之所由分也不出里閭

通鑑卷二百四十八

元紀 順帝二

四

垂四十年中外名臣列其行義章凡數十上郡以遺  
逸應詔有司請主文衡皆莫能致世稱爲白雲先生  
卒謚文懿先是何基王栢金履祥歿其學猶未大顯  
至謙而其道益著 十一月太白復經天 十二月  
以馬扎兒台爲太保分樞密院鎮北邊馬扎兒台伯  
顏弟也時議進爵爲王辭曰兄封恭王弟不宜並受  
王爵故有是命伯顏請殺張王劉李趙五姓漢人不  
從

四年春正月丙申以地震赦天下詔內外廉能官父

亂

修造可也

母年七十無侍丁省附近銓注以便侍養

詔修曲

阜孔子廟 二月丁卯罷河南江西浙江湖廣四川

等處行樞密院 庚午帝獵于柳林 夏四月辛未

京師天雨紅沙晝晦 以探馬赤只兒瓦歹為中書

平章政事 己卯帝如上都 河南執棒胡京師誅

之 癸巳帝次八里塘雨雹大如拳其狀有小兒環

玦獅象龜卵之形 五月命佛家闈為考功郎中喬

林為員外郎魏宗道為主事考較天下郡縣官功過

六月漳州南勝縣民李志甫聚眾圍州城守將拗

思監與戰失利詔江浙平章別不花發閩浙江西廣

東四省兵討之不克既而州人陳君用者襲殺之龍

通鑑卷一百四十八

元紀 順帝二

五

黃佐才

巖尉黃佐才與賊戰妻子四十餘口皆被害事聞授

佐才龍巖縣尹袁州人周子旺亦舉兵稱周王改年

建號尋敗死 秋七月己酉奉聖州地震丙辰鞏

昌府山崩 八月癸亥朔日食丙子京師地震日二

三次至乙酉方止 帝還大都 閏月屢日赤如赭

冬十一月丁卯立紹熙府軍民宣撫都總使司本

府元領六州二十縣一百五十二鎮國初以其地荒

而廢之至是居民二十餘萬故立府治之 十二月

戊戌立邦牙等處都元帥府并總管府先是世祖以

其處雲南極邊就立其酋長為帥至是來貢故立官

府 是歲太白屢經天

五年春正月癸亥禁濫予僧人名爵 二月庚寅信州雨土 夏四月乙未加封孝女曹娥爲慧感靈孝

昭順純懿夫人 帝如上都 六月汀州大水平地

深三丈沒民廬八百家溺死者八千餘人 秋七月

甲申常州宜興山水出勢高一丈壞民廬舍 是月

太白屢經天 八月丁亥帝還大都 九月太白屢

經天 冬十月壬辰禁倡優盛服男子裹青巾婦女

服紫衣不許戴笠乘馬 甲午詔命伯顏爲大丞相

加元德上輔功臣之號賜七寶玉書龍虎金符 十

通鑑卷百四十六 元紀 順帝二

六

一月戊辰杞縣人范孟謀不軌詐爲詔使至河南行

省殺平章政事月魯帖木兒廉訪使完者不花等召

官屬及去位者署而用之執大都路儒學提舉歸賜

俾北守黃河口賜力拒不從賊怒繫之獄旣而官軍

捕孟誅之凡汚賊者皆得罪賜得免賜同里有吳炳

者嘗以翰林待制徵不起賊召司卯酉屠炳懼不敢

辭時人爲之語曰歸賜出角吳炳無光賜之名用是

大著尋由國子博士拜監察御史入謝臺臣奏曰此

河南抗賊不屈者帝曰好事卿宜數爲之賜以上尊

癸酉瑞州路新昌州雨水冰至明年二月始解

李木魯狝卒狝字子翬家于鄧州之順陽狀貌魁梧  
不妄言笑其爲學一本於性命道德而記問宏博異  
言僻語無不淹貫文章簡奧典雅深合古法用是天  
下學者仰爲表儀居國學久論者謂自許衡之後能  
以師道自任者唯耶律有尚及狝而已 伯顏構陷  
鄒王奏賜死帝未允輒傳旨殺之又奏貶宣讓王帖  
木兒不花威順王寬徹普化不俟命即遣之帝爲之  
不平

六年春正月甲戌奉太祖太宗睿宗三朝御容於石  
佛寺 二月己亥黜中書大丞相伯顏爲河南行省

通鑑卷二百四十八

元紀 順帝二

七

左丞相伯顏既誅唐其勢獨秉國鈞遂專權自恣變  
亂成憲虛害天下漸有異謀帝患之伯顏欲以所養  
弟之子脫脫宿衛偵帝起居懼涉物議乃以知樞密  
院汪家奴翰林學士承旨沙剌班同侍禁近實屬意  
脫脫故脫脫政令日修衛士拱聽約束伯顏自領諸  
衛精兵以燕者不花爲屏蔽導從之盛填溢街衢而  
帝儀衛反落落如晨星勢焰熏灼天下之人知有伯  
顏而已脫脫深憂之私請於父馬扎兒台曰伯父驕  
縱已甚萬一天子震怒則吾族赤矣曷若於未敗圖  
之其父亦以爲然脫脫復質於師吳直方直方曰傳

有之大義滅親大夫但知忠於國爾餘復何顧焉。一日見帝乘間自陳忘家徇國之意帝猶未之信時帝前後左右皆伯顏之黨獨世傑班阿魯爲帝腹心乃遣二人與脫脫遊日以忠義之言相與往復論辨益悉其心靡他遂聞于帝帝始信之無疑及伯顏擅貶宣讓威順二王帝不勝其忿決意逐之一日泣語脫脫脫脫亦泣下歸復與直方謀直方曰此大事議論之際左右爲誰曰阿魯及脫脫木兒直方曰子之伯父挾震主之威此輩苟利富貴其語一泄則主危身戮矣脫脫乃延二人于家置酒張樂晝夜不令出遂通鑑卷二百四十八

元紀

順帝二

八

與世傑班等謀欲候伯顏入朝擒之戒衛士嚴宮門出入礪切皆爲置兵伯顏見之大驚召脫脫責之對曰天子所居防禦不得不爾然遂疑脫脫亦增兵自衛至是伯顏以所領兵衛請帝出田脫脫勸帝稱疾不往伯顏固請乃命太子燕帖古思出次柳林脫脫遂與阿魯等合謀悉拘京城門鑰命所親信列布城門下是夜奉帝居玉德殿召省院大臣先後入見出五門聽命夜二鼓遣怯薛月可察兒率三十騎抵營中取太子入城又召楊瑀范匯入草詔數伯顏罪狀出爲河南行省左丞相命平章政事只兒瓦歹賫赴



柳林黎明遣騎士至城下問故脫脫倨城上宣言有旨黜丞相一人諸從官皆無罪可各還本衛伯顏奏乞陛辭不許道出真定父老奉觴酒以進伯顏曰爾曹見子殺父事乎對曰不曾見子殺父惟聞有臣弑君伯顏俛首有慚色以馬扎兒台爲太師右丞相塔失海牙爲太傅知樞密院事塔馬赤爲太保御史大夫汪家奴爲中書平章政事脫脫知樞密院壬寅詔脫脫之外諸王侯不得懸帶弓箭及環刀輒入內府 巳酉彗星見凡三十二日 是月京畿大水

三月丁丑以治書侍御史帖睦爾爲奎章閣大學

通鑑卷一百六

元紀

順帝二

九

士翰林直學士揭傒斯爲奎章閣供奉學士 四月丙午詔封馬扎兒台爲忠王賜號答刺罕固辭不受御史請示天下以勸廉讓從之 五月丙子帝如上

都 六月丙申詔廢文宗廟主遷太皇太后弘吉刺氏于東安州安置放燕帖古思于高麗詔曰昔武宗升遐太后惑於憮慝俾皇考出封雲南英宗遇害我皇考以武宗之嫡逃居沙漠宗王大臣同心翊戴于時以地近先迎文宗暫總機務縱知天理人倫所在假讓位之名以竇璽來上皇考推誠不疑即立爲皇太子文宗當躬迓之際乃與其臣月魯不花也里牙

明里董阿等謀爲不軌使我皇考飲恨上賓歸而再御宸極又私鬪傳子乃構邪言嫁禍于八不沙皇后謂朕非明宗之子遂俾出居遐陬內懷愧慊則殺也里牙以杜口上天不佑隨降殞罰叔孀不答失里怙其勢焰不立明考之冢嗣而立孺稚之弟懿璘質班奄復不年諸王大臣以賢以長扶朕踐祚賴天之靈權奸屏黜永惟鞠育罔極之恩忍忘不共戴天之義其命太常徹去圖帖睦爾在廟之主不答失里削太皇太后之號徙東安州安置燕帖古思放諸高麗當時賊臣月魯不花也里牙已死其以明里董阿等明

通鑑卷一百四十一

元紀

順帝二

十

正典刑時監察御史崔敬言文皇獲不軌之愆已徹廟祀叔母有階禍之罪亦削鴻名盡孝正名斯亦足矣惟念皇弟燕帖古思年方在幼罹此播遷天理人情有所不忍方明皇上賓皇弟尚在襁褓未有知識義當矜憫蓋武宗視明文二帝皆親子也陛下與皇弟燕帖古思皆嫡孫也以武皇之心爲心則皆子孫固無親疎以陛下之心爲心未免有彼此之論臣請以世俗喻之常人有一百金之產尚置義田以收養宗族陛下富有四海子育黎元當使匹夫匹婦無不得所今乃以同氣之人置之度外貽笑他邦取辱中國

儻生他變關係非輕臣願殺身以贖皇弟之罪伏望  
 陛下迎歸太后母子以盡骨肉之義書奏不報未幾  
 太后崩于東安州燕帖吉思遇害于中道 秋七月  
 甲寅詔封微子厚為仁靖公箕子為仁獻公比干加封  
 為仁顯忠烈公 戊午以星文示異地道失寧蝗旱  
 相仍頒罪已詔于天下 戊寅命翰林奎章閣刪修  
 大元通制 八月帝還大都 九月癸丑加封漢張  
 飛武義忠顯英烈靈惠助順王 丙寅詔今後有罪  
 者毋籍其妻女以配人 冬十月壬寅馬扎兒台辭  
 右丞相仍為太師以脫脫為中書右丞相鐵木兒不  
 通鑑卷百四十八 元紀 順帝二 十一

花為中書左丞相 十一月辛未以孔克堅襲封衍

聖公 十二月詔復行科舉時科舉既輟翰林學士

承旨夔夔從容言曰古昔取人材以濟世用必由科

舉何可廢也帝采其論復詔行之國子監積分生員

三年一次依科舉例入會試中者取一十八名 罷

文宗增置官屬初文宗設太禧宗禋等院及奎章閣

藝文監增置官屬有差至是大臣議悉革罷夔夔曰

民有千金之產尚設家塾以延館客堂堂天朝一學

房乃不能容邪帝然之改奎章閣為宣文閣藝文監

為崇文監餘悉罷之

通鑑卷一百四十八

元紀

順帝二

十一



宋元通鑑卷第一百四十九

明賜進士前中憲大夫浙江按察司提學副使兩京史禮郎中武進薛應旂編集

長洲

陳仁錫詳閱

元紀二十一

起辛巳至丙戌凡六年

順帝三

至正元年春正月己酉朔詔改元至正時脫脫爲右丞相錄軍國重事脫脫馬札兒台之長子也幼岐嶷異常及就學請于其師吳直方曰使脫脫終日讀書不若日記嘉言善行服之終身也初憂其伯父伯顏之敗而竟黜之至是悉更伯顏所行復科舉取士復通鑑卷百四十九

元紀

順帝三

一

行太廟四時祭雪郊王之寃召還宣讓威順二王開馬禁減鹽額蠲負逋開經筵中外翕然稱賢相

二月太白晝見三月奎章閣學士巉巉侍經筵勸帝

務學帝欲觀古人名畫巉巉取郭忠恕比干圖以進

因言紂不聽諫遂亡其國帝一日閱宋徽宗畫稱善

巉巉進曰徽宗多能惟一事不能帝問何一事對曰

獨不能爲君爾其身辱國破皆由不能爲君能爲君

則他非所尚也嘗謂人曰天下事在宰相當言宰相

不得言則臺諫言之臺諫不敢言則經筵言之備位

經筵得言人所不敢言於天子之前志願足矣故於

時政得失有當匡救者未嘗緘默 夏四月戊寅彰  
德有赤風自西北起晝晦如夜 帝如上都時御史  
崔敬上疏言天子巡幸上都宜御內殿其畧曰世祖  
以上都爲清暑之地車駕行幸歲以爲常閣有大安  
殿有鴻禧睿思所以保養聖躬適起居宜存敬畏之  
心也失刺幹耳朶思乃先皇所以備宴遊非常時臨  
御之所今國家多故天道變更願大駕還大內居深  
宮嚴宿衛與宰臣謀治道萬幾之暇則命經筵進講  
究古今盛衰之由緝熙聖學乃宗社之福也時帝數  
以歷代珍寶分賜近侍敬又上疏曰臣聞世皇時大  
臣有功所賜不過鑿革重惜天物爲後世慮至遠也  
今山東大饑燕南亢旱海潮爲災天文示儆地道失  
寧京畿南北蝗飛蔽天正當聖主恤民之日近侍之  
臣不知慮此奏稟承請殆無虛日甚至以府庫百年  
所積之寶物遍賜僕御闈寺之流乳稚童孩之子帑  
藏或空萬一國有大事人有大功又將何以爲賜乎  
乞追回所賜以示恩不可濫庶允公論 庚寅以鐵  
木兒塔識爲平章政事 五月己未罷河西務行用  
庫 閏月丁丑改封徽州土神汪華爲昭忠廣仁武

通鑑卷一百四十九

元紀

順帝三

二

千六百餘人。秋八月帝還大都。九月己丑冀寧路嘉禾生異畝同穎。壬寅許有壬進講明仁殿帝悅賜酒宣文閣中仍賜貂裘金織文幣。冬十月戊午月食既。十一月道州路民何仁甫等兵起。十二月道州民蔣丙等相繼舉兵攻破江華等州縣峽峒徭民二百餘寨亦相率入邊抄掠山東燕南寇盜亦縱橫至三百餘處。是歲大饑。

二年春正月丙戌脫脫用人言於都城外開河置甬引金口渾河之水東流達通州以通舟楫役夫萬餘人廷臣多言不可而脫脫排羣議不納左丞許有壬

通鑑卷三百九

元紀

順帝二

三

言渾河之水湍悍易決而足以爲害淤淺易塞而不可行舟。况西山水勢高峻金時在城北流入郊野縱有衝決爲害亦輕。今則在都城西南若霖潦漲溢加水性湍急宗社所在豈容僥倖設使成功一時亦不能保其永無衝決之患帝不聽河成果水急泥壅不可行費用不貲卒以無功。是月大同饑人相食。

二月壬寅頒農桑輯要。三月戊寅親試進士七

十八人賜及第出身有差是科得陳祖仁。夏四月

帝如上都。五月甲申太白經天丁亥東平雨雹如

馬首。六月戊申命江浙撥賜僧道田還官徵糧以

備軍需 壬子濟南山崩水湧 秋七月庚午惠州

羅浮山崩已亥慶遠路莫八聚衆攻陷南丹左右兩

江等處 佛郎國貢異馬長一丈一尺三寸高六尺

四寸身純黑後二蹄皆白 八月庚子朔日食 九

月辛未帝還大都 是月歸德府黃河爲患 冬十

月已亥朔日食 十二月已酉京師地震

三年春正月丙子中書左丞許有壬辭職 二月甲

辰太陰犯井宿填星犯牛宿熒惑犯羅堰 丁未遼

陽爲捕海東青煩擾吾者野人及水達達皆叛 是

月汴梁新鄭地震秦州成紀寧遠伏羌等縣山崩水

通鑑卷二百四十九

元紀 順帝三

四

涌人多溺死 三月壬申御史成遵言可用終場下

第舉人克學正山長國學生會試不中者與終場舉

人同 戊寅詔作新風憲在內官有不法者御史劾

之在外官有不法者行臺御史劾之歲以八月終出

巡次年四月中還司 是月詔修遼金宋三史初世

祖立國史院首命王鶚修遼金二史宋亡又命史臣

通修三史延祐天石之間屢詔修之以義例未定竟

不能成至是命脫脫爲都總裁鐵木兒塔識張起巖

歐陽玄呂思誠揭傒斯爲總裁官修之丞相問修史

以何爲本揭傒斯曰用人爲本有學問文章而不知



史事者不可與有學問文章知史事而心術不正者不可與用人之道又當以心術爲本也且與僚屬言欲求作史之法須求作史之意古人作史雖小善必錄小惡必記不然何以示懲勸由是毅然以筆削自任凡政事得失人才賢否一律以是非之公至於物論之不齊必反覆辨論以求歸於至當而後止或欲如晉書例以宋爲世紀而遼金爲載紀或又謂遼立國先於宋五十年宋南渡後嘗稱臣於金以爲不可待制王理者祖修端之說著三史正統論欲以遼金爲北史太祖至靖康爲宋史建炎以後爲南宋史一通鑑卷一百九

元紀順帝三

五

時士論非不知宋爲正統然終以元承金承遼之故疑之各持論不決詔遼金宋各爲史夏四月丙申朔日食是月兩都桑果葉皆生黃色龍文帝如上都五月河決白茅口六月壬子命經筵官月進講者三中書戶部以國用不足請撙節浮費

秋七月戊辰修大都城是月興國路大旱河南自四月至是月霖雨不止中牟扶溝尉氏洧州滎陽汜水河陰凡七縣皆大水八月甲午朔晉寧臨汾獻嘉禾一莖有八穗者山東有賊焚掠兗州帝還

大都九月甲子湖廣行省平章鞏卜班擒道州賀

劉聞

脫因伯顏  
張瑾  
杜本

套

張樞

完者圖執  
禮哈郎  
董立  
李孝光

州獮賊首唐大二蔣仁五至京師誅之其蔣丙自號

順天王攻破連桂二州 冬十月戊戌帝將祀南郊

告祭太廟至寧宗室問曰朕寧宗兄也理當拜否太

常博士劉聞對曰寧宗雖弟其為帝時陛下為之臣

春秋時魯閔公弟也僖公兄也閔公先為君宗廟之

祭未聞僖公不拜陛下當拜帝乃拜 十二月丁未

以別兒怯不花為左丞相鐵木兒不花罷 徵遺逸

脫因伯顏張瑾杜本本辭不至本清江人在武宗時

嘗被召至京師即歸隱武夷由中文宗聞其名徵之

不起至是右丞相脫脫薦之召為翰林待制兼國史

通鑑卷一百九

元紀 順帝三

六

院編修官使者致君相意趣之行至杭州稱疾固辭

而致書於脫脫曰以萬事合為一理以萬民合為一

心以千載合為一日以四海合為一家則可言制禮

作樂而躋五帝三王之盛矣遂不行時有金華張樞

亦屢徵不起既又徵隱士完者圖執禮哈郎董立李

孝光詔以完者圖執禮哈郎為翰林待制立修撰孝

光著作郎或疑其太優右丞相鐵木兒塔識曰隱士

無求於朝廷朝廷有求於隱士區區名爵何足吝惜

識者誦之

四年春正月辛巳詔定守令黜陟之法六事備者升

一等四事備者減一資三事備者平遷六事俱不備者降一等 庚寅河決曹州發丁夫萬五千八百修

築之是月河又決汴梁 二月以賀惟一為平章政

事 閏月命脫脫兼領宣政事時諸山主僧請復僧

司且曰為郡縣所苦如坐地獄脫脫曰若復僧司何

異地獄中復置地獄邪 三月癸丑以納麟為中書

平章政事 夏四月帝如上都 五月甲辰脫脫罷

以阿魯圖為中書右丞相脫脫固辭相位帝問誰可

代者以阿魯圖對遂召用之封脫脫為鄭王阿魯圖

既為相議除一人為刑部尚書或難之曰此人柔軟

通鑑卷二百四十九

元紀

順帝三

七

非刑部所可用阿魯圖曰選僧子邪若選僧子須用

強壯人尚書詳讞刑獄不任人壞法即是好官何用

強壯者為其為治知體如此 是月大霖雨黃河溢

平地水二丈決白茅堤金堤曹濮濟兗皆被災 六

月己巳賜脫脫松江田為立松江等處稻田提領所

秋七月戊子朔温州颶風大作地震海溢 八月

帝還大都 九月丁亥朔日食 冬十月乙酉議修

黃河淮河堤堰 十一月丁亥朔令民入粟補官以

備賑濟有匿奸罪而輸粟得士品雜流者為怨家所

告有司議輸粟例無有過不與之文中書右司郎中

成遵以為賣官鬻爵。已非令典。况又賣與奸淫之人。其何以為治。必奪其敕。還其粟。著為令。乃可。從之。時又有議賊吏喪不許歸葬。須竟其獄者。遵曰。惡人固可怒。然與人倫孰重。國家以孝理天下。寧失罪人。不可使天下有無親之吏。議遂寢。

成一

遼史成仍督早成

金宋二史揭傒斯留宿史館朝夕不敢休因得寒疾七日卒。傒斯字曼碩。龍興富州人。父來成。宋鄉進士。傒斯少貧。刻苦讀書。父子自為師友。貫通百氏大德。間客游湘漢。程鉅夫盧摯先後為湖廣憲使。咸器重之。延祐初。鉅夫與摯列薦于朝。授翰林編修。文宗時

通鑑卷百四十九

元紀 順帝三

八

閣中有咨訪必稱旨。中書每奏用儒臣必問曰。其才何如。揭曼碩嘗進太平政要策以示臺臣曰。此朕授經筵。揭曼碩所進。其見敬禮如此。在帝之初。拜翰林直學士。及開經筵。陞侍講學士。是年春。致仕南還。追至鄒南。復留京。撰明宗神御殿碑文。成賞賚甚厚。復求去。不許。命脫脫及執政諭留之。傒斯曰。使一得之獻見用。而天下蒙其利。雖死此何恨。不然何益之有。脫脫問政治何先。曰。儲材為先。養之於譽望未隆之時。用之於周密庶務之後。可也。一日議事。請兼行

新舊錢以救鈔法之弊。時不能從。至是卒。給驛護喪。

歸江南追封豫章郡公謚文安 十二月癸亥漢陽地震

五年春正月薊州地震 三月辛卯親試進士七十

八人賜及第出身有差 夏四月帝如上都 五月

辛卯翰林學士承旨夔夔卒夔夔字子山康里氏幼

肄業國學博通羣書其正心修身之要得之許衡及

父兄家傳長襲宿衛丰神凝遠制行峻潔望而知為

貴介公子其遇事英發掀髯論辯法家拂士弗能過

之每遇天變民災必勸帝側身修行庶天意可回久

之出為江浙行省平章政事帝欲置之中書召還至

通鑑卷一百四十九

元紀 順帝三

九

京得疾卒家貧幾無以為歛帝聞賜銀五錠夔夔善

真行草書片紙之存人爭寶之不啻金玉 以蘇天

爵為京畿宣撫使天爵究民所疾苦察吏之姦貪其

興除者七百八十有三事其糾劾者九百四十有九

人都人有包韓之譽然以忤時相意竟坐不稱職罷

歸 秋七月以鞏卜班為平章政事 丁亥河決濟

陰漂官民廬舍殆盡 八月帝還大都 九月壬午

朔日食 冬十月乙卯遣使巡行天下詔曰朕自踐

祚以來至今十有餘年託身億兆之上端居九重之

中耳目所及豈能周知故雖夙夜憂勤覲安黎庶而

蘇天爵

和氣未臻災眚時作聲教未洽風俗未淳吏弊未祛  
 民瘼滋甚豈承宣之寄糾劾之司奉行有所未至與  
 若稽先朝成憲遣官分道奉使宣撫布朕德意詢民  
 疾苦疏滌冤滯蠲除煩苛體察官吏賢否明加黜陟  
 有罪者四品以上停職申請五品以下就便處決民  
 間一切典利除害之事悉聽舉行時諸道奉使者皆  
 與臺諫交相揜蔽惟巡京畿道西臺中丞定定集賢  
 侍講學士蘇天爵糾舉無所避凡典革利弊彈劾奸  
 回二人風采振于一時定定以國人僅免天爵竟忤  
 時相去時事可知矣 辛未遼金宋三史成右丞相

通鑑卷一百四十九

元紀

順帝三

十

阿魯圖進之帝曰史既成書前人善者朕當取以為  
 法惡者取以為戒然豈止激勸為君者為臣者亦當  
 知之卿等其體朕心以前代善惡為勉 十一月甲  
 午至正條格成頒行天下 十二月丁巳詔定薦舉  
 守令法

六年春正月庚戌朔日食辛未興國雨雹大者如馬  
 首山東地震司天監奏天狗星墜地血食人間五千  
 日始於楚徧及齊趙終於吳其光不及兩廣其後天  
 下之亂事事皆應 以賀惟一為御史大夫故事臺

端非國姓不授詔特賜姓改名曰太平 二月辛未

盜扼李開務之閘河劫商旅船兩淮運使宋文瓚言

世皇開會通河千有餘里歲運米至京者五百萬石

今騎賊不過四十人劫船三百艘而莫能捕恐逆道

阻塞乞選能臣率壯勇千騎捕之不聽 戊申京畿

盜起范陽縣請增設縣尉及巡警兵從之 山東盜

起詔中書叅知政事鎖南班至東平鎮遏 夏四月

丁卯帝如上都 五月陝西饑行酒禁 丁亥盜竊

太廟神主 丁酉以黃河決立河南山東都水監

象州盜起 六月己酉江州連城縣民羅天麟及陳

積萬陷長汀命江浙行省右丞忽都不花等合兵進

通鑑卷二百九

元紀 順帝三

十一

討 雲南夷死可伐盜據一方侵奪路甸 秋七月

丙申以朵爾直班爲中書右丞時有善音樂得幸者

帝命爲崇文監丞叅政朵爾直班他擬一人以進帝

怒曰選法盡由中書邪朵爾直班頓首曰用幸臣居

清選恐後世以此議陛下今選他人臣實有罪省臣

無與焉帝悅陞右丞 八月帝還大都 九月丙子

邵武地震有聲如鼓至夜復鳴 冬十月日色如血

思靖徭寇武岡詔湖廣省臣及湖南宣慰完者帖

木兒討之 閏月乙亥徭賊吳天保陷黔陽癸未汀

州賊徒羅德川殺首賊羅天麟陳積萬以首級送官

餘黨悉平 十二月壬寅山東河南盜起 是歲河

陰不聽 資州處士黃澤卒澤字楚望生有異質自

少以明經學道爲志好爲苦思久之如有所見作顏

淵仰高鑽堅論大德中江西行省聞其名授江州景

星書院山長旣久又爲山長于洪州東湖書院受學

者益衆矣滿即歸閉門授徒不復言仕常以爲去聖

久遠經籍殘闕傳注家率多傳會近世儒者又各以

才識求之故議論雖多而經旨愈晦必積誠研精有

所悟入然後可以窺見聖人之本真旣乃盡悟失傳

通鑑卷二百九

元紀 順帝三

十一

之旨自言每於幽閒寂寞顛沛流離疾病無聊之際

得之及其久也則豁然無不貫通自天地定位人物

未生以前沿而下之凡邃古之初萬化之原載籍所

不能具者皆昭若發蒙如視諸掌然後由伏羲神農

五帝三王以及春秋之末皆若身在其間而目擊其

事者於是六經傳注之失未決之疑凡數十年苦思

而未通者皆渙然冰釋作十翼舉要三傳義例翼經

罪言吳澄嘗觀其書以爲平生所見明經士未有能

及之者謂人曰能言距楊墨者聖人之徒也楚望真

其人乎然澤雅自慎重未嘗輕與人言李綱使過九



江請北而爲弟子受一經且將經紀其家澤謝之曰  
以君之才何經不可明然亦不過筆授其義而已若  
余則於艱苦之餘乃能有見吾非邵子不敢以二十  
年林下期君也。河歎息而去或問澤自闕如此寧無  
不傳之懼澤曰吾道興廢上關天運豈區區人力所  
致卒年八十七

通鑑卷一百四十九

元紀

順帝三

三

09955

